

豐對樓詩選  
辰

五律





豐對樓詩選目錄卷第十五

五言律詩

梅雨初霽集上卿宅分平字

集尤時湛山亭分山字

與二凌沉舟分無字

送延慶寺毅上人住寧海淨土寺

茂嶼

先至武陵庄作

茹春亭獨坐

四明山中追和皮陸二公九詩

石窓

過雲



雲南

雲北

鹿亭

樊榭

潺湲洞

青櫺子

鞠侯

宿雪竇寺珍公房

披雲閣對雨

西陵懷古

橫河閘曉立

呂三儀賓南文許歸堂對菊限韻

孤鴈

校邦憲草罷過其墓二首

訪張夏父瑚

人日夜同田叔飲孺愿山齋

行藥

喜雨有序

醉

散髮

送君房之阿育王寺

夜與屠柴二生坐明月榭

留長卿仲初宿青棠館

過桃花渡長卿舊業 得呂山人三晉書

同孟孺孺穀君房賓父受吾登田叔霞爽閣

集范司馬山堂得遲字

再贈道化



少憇西湖許太守香月樓

送吳章叔遊吳

送孟孺還玉山

和賓甫蕭臯見懷

鄭朗子高見過明月榭夜坐作

命酒

七月晦夕集范司馬十洲閣分吾字二首

為范司馬題十洲閣二首

姚江晚眺

四日與沈孫李三君及楊思悅集俞孟武湖莊

分開字

三元堂

破山寺

維摩寺

渡海

聽羅伯生彈琴

夕坐江上平臺酒半分星字

孤舟

片雲

得王承父陸無從顧益卿書因寄懷之

湯慈明携酒過單伯登館中分林字

南城步月

鐘罷

書瑞峯和尚雙樹林卷

詠燭花

寄題聽雨齋詩為彭學博穉脩



兩卧示少君

病中喜鄭朗過宿

杜門

孤雁

病間喜君房長孺過宿

雨後夜坐明月榭

吳使君郡齋盆菊盛花余以病不與賞却寄二

首

寄和張司馬雨中遊武陵庄四首

茂嶼庄三首

張嘉父十四丈以詩見投病未及答秋來稍暇

用韻三首

答張仲行見寄

月榭再成

秋夜

中秋夜作

登臺

自鋤園一首為賓父作

夢中賦得天門開日蕩蕩各一首

飯謝道化宅

病齒

吞襄公見懷三首

大海秋濤

池上夜坐

集顧汝脩秋水亭同王和仲王延年姚以奇張

長輿唐大拙

過張夏父故居

欲雪

孝女廟作



曾子澄遠過海上見訪

龍門寺同姚約之及汝行

松江曉發

野宿

作客歸值生日作

春雪再賦二首

雪不已

愁

解頰

呂園與廣上人閒坐

北池夜坐和伯俊

憂旱二首呈吳令

兒歸

梁溪趨郡城即事

暨陽道中

九日病卧舟中

尋僧

詠劍

詠碧桃二首

讀史

雲間雨泊二首

玉泓館值王延年讀其詩有贈

婁江道中

八月十日毛豹孫携罇過承天寺重玄精舍同

傅七明府張大衛尉傅大孝廉汪大景啓分

得雲字

八月十九日石湖汎舟同袁孟逸張左虞毛豹

孫徐公理王和仲張仲虎陸姬倩芳周姬碧

華飲治平寺王履吉草堂



豐對樓詩選卷第十五

甬句東沈明臣嘉則父著  
從子沈九疇箕仲氏選

五言律詩

梅雨初霽集上卿宅分平字

積雨收滄海浮雲白且輕  
樹陰團四野水影射孤城  
對酒逢山暮枝壺碧鮮晴  
古人能痛飲月出與花平  
集尤時湛山亭分山字

城麗雲霞裏乾坤蒼莽間  
尊前無綠髮亂後有青山  
吹酒涼風醒照人斜日閒  
踈狂殊欲甚夜扣隱人關



與二凌沉舟分無字

晴日浮青雀，輕帆指白湖。自然生浩蕩，何必沉蓬壺。  
後浪聲相觸，前山影欲無。岑家好兄弟，信汝竹林俱。  
送延慶寺毅上人住寧海淨土寺

野寺東連海，祇林不用開。選僧來佛地，覺路近天台。  
雨盛閒房竹，陰豐古砌苔。何時棄塵鞅，同與住雲隈。

茂嶼

深秋臨奧壤，幽討足清時。山水自無恙，乾坤殊有私。  
青楓霜未落，玉樹晚逾滋。到此唯長嘯，浮雲寄所知。

先至武陵庄作

先作武陵遊，青山得細求。頻行花徑日，獨立野池秋。  
岸幘當雲白，吟詩見水流。桃源非自誤，不用記漁舟。

如春亭獨坐

空亭脩竹裏，高坐如春長。開落花生無數，去來風自香。  
孤雲巢遍鶴，群石卧如羊。獨徃非無事，微吟到夕陽。  
四明山中追和皮陸二公九詩

石窓

天竅石為窓，高張日月雙。錦籠三秀草，寶桂五霞幢。  
帝座青霄近，仙輶白日降。藏書吾欲借，未遣五丁扛。  
過雲



縹緲路常封時時春氣濃看衣疑帶雨到寺只聞鐘  
不見高秋月難捫白日峯探虛吾欲老來徃藉孤筇

雲南

山陽村戶好家枕萬峯雲共飲梅花水耦耕麀鹿群  
土風周處記日月帝堯君世路紛豺虎區中那得聞

雲北

只在白雲北重山別有家人烟散流水墟井匝桃花  
賣藥通秦市分蜂識漢衙自矜吾道拙不敢獨餐霞

鹿亭

孔祐今何處空山有鹿亭路生迷暮草天遠沒寒星

春雨茸茸綠烟峯澹澹青放麝嗟往事深竹語猩猩

樊榭

夫人仙去遠樊榭尚知名月落迷妝鏡花深斷寶纓  
山川今喜託天地故難憑倘是吹簫處應聞有鳳鳴

潺湲洞

潺湲吹古雪倒卷入銀河月色兼秋動山聲入夜多  
雲來濕不去雷疾響難過枕石驚鷺還起天風摧大波

青櫺子

何物青櫺子山翁老不知香應同紫椹味恐奪紅梨  
仙實難留核靈根不借枝三珠曾有樹或許並稱竒



鞠侯

汝本王孫種封侯豈冠軍壤應連鬼國恩自出山君  
楚繡唾新沐狙鷗咲暮分飲瀕連臂出聲或斷腸聞

宿雪竇寺珍公房

高竹淨娟娟深堂足晏眠井歸犀浦鉢橋入虎溪蓮  
林靜春長好山空夜寂然偶來三宿去題石記流年

披雲閣對雨

披雲高閣坐對兩大湖寬何處空濛色蒼茫到鷓冠  
青來山乍午白過鷺猶寒莫便言歸去前村射豹丹

西陵懷古

王霸俱銷歇西陵是故鄉登臺一感慨沽酒吊斜陽  
江共三吳遠山連百粵長最憐蘇小小無事斷人腸

橫河閘曉立

江盡萬峯迴奔湍隱疾雷一星山口大片月雨邊開  
客夢歸難作它鄉去易來如何百年內擾擾只塵埃

呂三儀賓南文許歸堂對菊限韻

種菊成千品題名過百叢即披驚晚艷直欲詫春工  
麗質窺秦女纖腰鬪楚宮白頭禁醉得着處倚秋風

孤鴈

經時來絕塞何處斷秋群隻影飄吳甸哀聲落楚雲



夢驚弦月起，翼恨翔風分。慎勿霜前叫，羈人不可聞。  
校邦憲草罷過其墓二首

才子葬江洲，故人來水頭。千年黃歇浦，寂寞向誰流。  
白日挂孤劍，青天唯此丘。痛君空黯黯，無淚洒松楸。  
痛極翻無淚，愁深只自嗟。草花霜後短，山雨日邊斜。  
黃葉生來樹，青林死去家。遙憐著書意，作者定誰誇。

訪張夏父瑚

雲平紅樹出，天曠白茆寒。歲月堪誰託，乾坤老自安。  
鳧喧池水窄，犢卧樹根寬。知汝躬耕地，吾來挂竹冠。  
人日夜同田，叔飲孺愿山齋。

華年流似客，勝日正逢人。不有同心者，何堪此令辰。  
野香侵別館，山氣壓綸巾。劇飲非緣興，醒然空負春。  
行藥

行藥湖南樹，清陰為颯然。微風荷葉上，乳燕杖藜前。  
草合幽人路，花深病客天。所知良可待，獨往信孤煙。  
喜雨 有序

乙亥夏五月十一日雨後不雨者十有七日  
酷熱如焚，河水涸十之九矣。廿八日忽大風，  
從東北來者，一晝夜雨不甚而驟已，而風又  
南轉，海水直入內港，吾郵邊江田盡鹹鹵苗。



枯死矣人盡憂悸而河水亦滿而鹹故邊河  
上田亦立竢其稿莫之救矣至六月十二日  
復有風從東北來不甚大而連雨者三日水  
復淡而苗死者復蘇因為賦喜雨詩如左

早劇江村裂盲風吹海長膏田全斥鹵井邑半荒涼  
頭白雙眉皺天青獨鳥翔陡然今夕雨懽動老夫狂

醉

燈寒風兩夕頭白雁鴻秋兀坐世途窄高眠歲月適  
拙知吾道是名怪此生浮漸喜交游息唯堪與醉謀

散髮

野鳥向人啼風花任汝低冥心依白墮散髮對青溪  
靜自觀名理閒堪托杖藜乾坤真莽蕩何物可能齊

送君房之阿育王寺

避地少人烟青山一笑便江村黃葉雨野寺白雲天  
閉戶觀秋水焚香禮太玄即知能解脫何必定逃禪  
夜與屠柴二生坐明月榭

寒月荒村暖高臺海色平坐深山欲老語罷月猶明  
寺怪踈鍾斷江憐落木清頓然添二妙似倚玉崢嶸

留長卿仲初宿青棠館

留賓雙玉樹到館一青棠野飯蹲鳴熟山罇綠蟻香



簷晴風在竹窓曙月連霜况足供高枕無勞數漏長  
過桃花渡長卿舊業

桃花津上路隱約孝廉家大海蟠東極深江注郭斜  
雲明漁浦樹風約草堂花對汝何寥廓青天映白沙  
得呂山人三晉書

人去經三載書來自五原天知上黨近山許太行尊  
朋從傳新語江花憶舊村歸心芳草外不肯謝王孫  
同孟孺孺穀君房賓父受吾登田叔霞爽閣

對客莫嗟跼登樓感逝波山雲青斷盡城樹綠侵多  
眈眈窺江海采魚息胃薜蘿故人驚聚散不飲復如何  
集范司馬山堂得遲字

尋閒猶自懶始得赴幽期樹借湖陰重樓迴海日遲  
花枝依大石雨氣滿空陂不醉吾何去清狂或有知  
再贈道化

萬事已無著微存一念間待余剛舊草屢日放玄關  
倚樹看流水逢雲過遠山從茲一別去鸞鶴杳難攀  
少憇西湖許太守香月樓

路從仙領入樓自翠微開樹杪重湖出花邊疊嶂來  
飯魚臨磻壑選竹坐莓苔它日披香露湏令月滿臺  
送吳章叔遊吳



以我常游地送君今復行晚山湖上好春水樹中生  
故舊幾人在江流七郡平殷勤謝楊柳秋滿闔閭城

送孟孺還玉山

秋風吹海水人向玉山歸家在清砧裏心先候鴈飛  
楓林江露薄菰米楚鄉肥汝父吾先友相牽共濕衣  
和賓父蕭臯見懷

草閣千山月江帆十里風幽懷誰與晤多病許君同  
雨氣長松得槐陰古院空不能携枕簟悵望白頭翁  
鄭朗子高見過明月榭夜坐作

蘿薜秋常掩時來一啓扉着冠初叙別解帶已忘歸

臺迥臨風久江深出釣稀華星蕪朗月江漢坐來微

命酒

慚非子罕宅流潦過西隣况對南墻曲甘為北阮貧  
興來唯命酒客至便生春草樹欣相得清風足故人

七月晦夕集范司馬十洲閣分吾字二首

盡日坐木壺風流宛自都主罇開鑿落客劍佩昆吾  
秋樹侵孤驛斜陽截半湖凭高雙醉眼一鳥去無  
明日秋將仲涼風未肯蘇息機人到汝用拙我忘吾  
夜色歸平楚秋星滿大湖踈鐘何處起一一度雙

為范司馬題十洲閣二首



高閣俯平流居然舊十洲西連天姥濶東控大瀛浮  
風雨三山動乾坤一鏡留拂衣歸卧者賀監得遊  
何處有高樓乾坤此十洲九天仙露滿盡日紫雲留  
道在尊青桂人間信白鷗塵寰知不有莫更夢立丹

姚江晚眺

白髮照孱顏勾餘幾去還飲虹偷碧海粉堞飽青山  
一水人家裏雙城落照間故鄉回首恨第一此江關  
四日與沈孫李三君及楊思悅集俞孟武湖莊

分開字

共倚才名舊相逢水上杯山容秋轉麗湖面晚重開  
近狎鷗鳧醉虛煩雲雨猜翻然令取酒一酌越王臺

三元堂

地說玄都舊堂新相國開山驕秋樹綺池絢紫霞栽  
斜日淒霜磬高雲錯露臺出門臨片石重記路迂迴

破山寺

暮入破山寺烟生谷口村秋晴龍磴涸日暝雁池昏  
廢殿雲巢樹鳴鐘客到門山光潭影裏牢落幾僧存

維摩寺

山頂維摩寺幽深歲月長樹經梁雨露僧豈晉支康  
寒梵依高葉踈鐘帶夕陽倦來供茗汁閒坐說西方



渡海

溟渤秋濤壯，艤艫曉霧消。浪花春白日，帆影入青霄。  
整暇魚龍貼，馮凌宇宙驕。乘槎當日意，不及聖明朝。

聽羅伯生彈琴

梅月帶松風，彈來字字工。不知流水外，復上幾絃中。  
春響龍歸海，秋聲雁度空。子期誰可鑄，白日倚青桐。

夕坐江上平臺酒半分星字

夕臺臨水絕，漸暝滅山青。天濶依孤嶼，江空出大星。  
濤聲遙入酒，漁火細分汀。歌罷將何以，吾曹豈獨醒。

孤舟

一破蒼茫色，孤舟未寂寥。烟林忽見寺，江水不通潮。  
路入前村雨，帆收野渡橋。到來知浩蕩，西指洞庭遙。

片雲

幾得鄉人信，家書不肯來。憂疑驚滿腹，何物使頻猜。  
落日沉春雁，荒江隱夜雷。旅魂銷欲盡，寂莫片雲迴。  
得王承父陸無從顧益卿書因寄懷之

問訊復何如，幽栖托海漁。江湖遊子夢，風雨故人書。  
鬢髮饒它短，閒愁稍覺除。病侵唯怯酒，不怪出無車。

湯慈明携酒過单伯登館中分林字

斗酒向誰酌，幽齋時一尋。無花不勸客，有竹便為林。



樹滿雲常暗城空雨欲深匡牀人不到客自起鳴琴

南城步月

夜散城南步微茫月在汀鐘聲萬戶寂海色半天青  
野曠全依水樓高欲避星大江忘却險歸夢幾揚舲

鐘罷

容易歲華侵飛鳴感故林一年滄海客萬里白頭心  
滿樹秋星白空庭露氣深坐來何所得鐘罷數聲砧

書瑞峯和尚雙樹林卷

人世劇紛拏青山自歲華僧嫌吾有髮客愛汝無家  
漫往逢流水閒來看落花欲知無碍處天地一袈裟

詠燭花

燭花還燦燦含笑向何人結處偏逢夜開時不待春  
在家占有喜為客解無嗔明日陰晴定休言卜未真

寄題聽雨齋詩為彭學博穉脩

最愛無人處高齋聽雨眠香烟青藹藹流水白涓涓  
帶月偏瀟洒因風為颯然十年心上事不用到燈前

雨卧示少君

林靜宜春酌雨深堪晝眠池花依硯立濕葉與牀連  
醉以醒為客忙知拙乃賢從今只閉戶衰白任流年

病中喜鄭朗過宿



老病怯煩暑多君觸熱來解衣松榻靜罷扇竹門開  
坐見高雲起眠知急雨回大江供客眼落日一登臺

杜門

杜門真養拙地迥竹為關病肺唯高枕知心託遠山  
乾坤人自隘日月我能閒有耳無勞洗牽牛河渚間

孤雁

孤雁不堪前秋空逗楚烟暗飛防遠矰獨宿怕危弦  
月傍啣蘆影寒迷出塞天荆人雖好獵雲夢有閒田  
病間喜君房長孺過宿

病裏思親友相過病起初日長無盥櫛地僻有琴書

對晤青天濶閒吟碧樹踈眷然忘信宿相送止吾廬

雨後夜坐明月榭

孤榭欲凌波其如遠漲何人烟村際少夜色鳥邊過  
天濶星殊衆江空月似多病夫饒傲骨高坐領銀河

吳使君郡齋盆菊盛花余以病不與賞却寄二

首

十月霜難下山城菊始花一枝聞獨艷頻摘恨偏賒  
秋色逢吾病寒香滿郡衙酒杯那可廢涓滴酌陶家

南菊憐遲暮高齋伴使君寒芳誰共采幽意我空聞  
卧病傷青蕊題詩寄白雲帶圍知漸減自笑老文休



寄和張司馬雨中游武陵庄四首

坐想仙人境三年幾去來雲霞標綺樹杖屨隔瑤臺

碁響花間石泉行竹下杯寄言求仲駕莫便破蒼苔

茲游聞最好勝得雨中山飛電翠屏裏斜陽瀑布間

千花一洗滌萬壑共潺湲宜有蘇門嘯令人不可攀

卧疾荒村久無緣共好懷山川過雷雨天地坼陰霾

亞檻花全濕當筵鳥正啣重游知不倦它日問同儕

言采山阿秀青春尚未中暖蒸花事早寒謝水波融

得地景偏異逢人調頗同憐余抱微尚高挹上皇風

茂嶼庄三首

窈窕清溪裡仙人白玉樓青山當雨後良月向人流

蠟屐添新雨携筇拂故鳩但尋人境樂不共子規愁

揔為春光好何辭風雨遊花邊臨巨壑水上挿危樓

沙暖時喧獺溪清可飯牛相逢飲醇酒生不願封侯

荒祠何所得盡日雨中央野潦流山殿溪風壞土墻

貧僧乞隣飯樵徑雜漁郎偶為探竒至留連累十觴

張嘉父十四丈以詩見投病未及荅秋來稍暇

用韻三首

只是隔塵埃柴門不浪開避人真學懶濁世敢論才

肯許頻相過何時果一來月明秋滿榻作供有荒臺



三畝為宮處蒼然平楚寒白雲千頃厚流水一江寬

但有殘書積全無好竹看村醪殊不遠白日可盤桓

半世空奔走歸來只舊廬艱危寸心在貧賤兩眉舒

白雨寒江濶青天古木踈誦君詩句好日作數行書

荅張仲行見寄

知汝不相忘新詩持寄將山雲秋片片江月夜蒼蒼

世事頭空白流年葉又黃祗應存老馬徒使寸心長

月榭再成

高榭迥臨空山光四顧同赤欄秋水外清磬月明中

夜客吹簫侶飛仙說劍雄所思尤更遠無柰北來鴻

秋夜

秋夜永相將松窓影太涼鴈聲高入月風色暗侵牀

細雨微鐘濕青燈晏語長幽人仍不寐寒咽桂花香

中秋夜作

常年今夜月多在異鄉看此夕家園景偏教風雨殘

妻孥燈下語逆旅夢中懽揔笑浮生事公然老籜冠

登臺

無事晚登臺蒼然望眼開野雲巢寺濕江雨逐帆來

稻熟農愁減花遲老病迴敢因生計拙容易罷深杯

自鋤園一首為賓父作



愛汝年來事家園起自鋤井寒知曉汲坡煖得春蔬  
花兩蒙頭出松風洒面踈再湏開一沼傍檻種芙蓉

夢中賦得天門開日蕩蕩各一首

麗日披閭闔天門徹九重千章温室樹萬井未央鐘

平蕩開王道崇高仰聖容山河通八極六合駕飛龍

大地垂宸宇高天揭舜宮九霄懸處白萬里照來紅

夸父奔難及陽戈返正中六龍誰御得披拂聖人風

飯謝道化宅

謝客如雲水歸家亦偶然草堂春雨後窮巷古城邊

匙滑供菰米泉香煮石蓮十年湖海意詎敢惜留連

病齒

坐卧意不適起行仍自歎驚寒復驚熱捐飲亦捐餐

老至終當落根槎任汝殘北平饒食乳百歲到應難

谷襄公見懷三首

昔別青山易今思白社長閉門經月雨出寺幾斜陽

解帶微鐘歇彈琴綠樹涼懷人心一片脉脉到郎

法眼憑誰得由拳此地分潮音非色相泥象揔聲聞

無事數江樹有心懸海雲城南幾箇寺第一最思君

詩法元禪法明知不可傳鏡花看裏見水月定中圓

坐憶頭陀寺行參鼻觀天此時香滿院蒼苔在前



大海秋濤

萬古東南地誰開朝夕池潮聲秋獨壯濤色晚猶奇  
盡捲青天去遙紛白雪馳更憐觀化者一視壘空為

池上夜坐

虫聲喧草際一榻俯漣漪露竹高青漢秋星滿大池  
涼深荷氣歇林重月光遲澹矣機心盡閒憑白鳥窺

集顧汝脩秋水亭同王和仲王延年姚以奇張

長輿唐大拙

相逢輒盡醉豈是愛沉冥次第看雙鬢皆非舊日青  
夕陽黃滿樹秋水綠空亭借問樽前客何人是酒星

過張夏父故居

憶昔與同遊聯牀雪滿樓春風才五換人世已千秋  
茅屋青山廢空池白日浮舊時鐘鼓地一片野雲愁

欲雪

雲色晚來同蕭蕭但朔風山川寒欲死天地黯然空  
客鬢明相待鄉愁暗與工明朝江上寺應見雪為宮

孝女廟作

孝女空江廟千秋尚儼然潮聲喧落日山色滿平川  
霜檜餘龍蛻春林響杜鵑如何賽神者猶自樂年年

曾子澄遠過海上見訪



病客壺中隱將軍天上來十年生死別一見海雲開  
汝但存孤劍吾兼廢此杯感時空雪涕落日在蒿萊  
龍門寺同姚約之及汝行

野寺荒涼甚青天偶一來佛身藏鼠雀僧面滿塵埃  
近渚鳧空沒隣牆菊自開愴然回棹處落日在蒿萊  
松江曉發

一棹向西征荒雞兩岸聲海門當日出樹杪見天青  
大野風烟霽春江波浪平客心隨去住不共白鷗盟

野宿

誰家江口住白版半扃扉近岸流澌急遙山寒翠微  
日昏容易晚雲凍不能飛野宿舟鱗次蒼茫各夢歸

作客歸值生日作

寒月上江門人歸老樹村一燈兒女共三徑竹松存  
甲子驚頻換文章敢自論獨憐無可老但有白雲尊  
春雪再賦二首

無柰劇紛紛空令語自吞聳身吟北戶瞥眼失前村  
晚近雲彌重春深氣未溫敢申花柳恨悵望此坤乾  
詩句漫評論無繇獻至尊柳纖青欲淚梅盡白銷魂  
忽忽山河遍沉沉天地昏可能開老眼付取濁溫

雪不已



信宿仍飄瞥空階幾尺強此時成混混何處問蒼蒼  
眼外孤烟出人間萬井藏縱然騰六假無乃太猖狂

愁

花朝空自好萬緒莽難收不醉如中酒無言似冥搜  
書長疑永夜春靜訝深秋何物能攻破堅城十二樓

解頤

春來終日雨卜歲又云饑已是無麩麥那堪更繭絲  
白雲空片片黃髮故垂垂坐使窮愁長何由一解頤

呂園與廣上人閒坐

地幽堪浣俗不厭與僧尋樹合溪全隱山開郭半侵

閒來因久坐詩到忽微吟不作無生話空花深復深

北池夜坐和伯俊

散衙唯命酒徒榻近池亭薄靄侵衣白流螢度水青  
空園沉夜色滿樹見秋星只合深深醉何言世路冥

憂旱二首呈吳令

秋來經月旱空密日西雲已痛征求盡何堪黍稷焚  
冠裳家不復子弟戶從軍稍得寬天網言當以罪

連年無一稔茲理或難求微雨聊沾夜高天懶作秋

岸花紛細草江鷺劇空洲不有神明宰將何感幽

兒歸



豐華樓詩選 卷十五  
客遠書難數。兒歸夢有憑。未須秋問鴈。定喜夜占燈。  
越絕猶歌葛。吳歛半采菱。報予眠食穩。不厭語頻仍。

梁溪趨郡城即事

沉宅時堪哂。懷人晚尚行。大帆橫夕照。踈雨隔秋城。  
日脚翻江射。雲光截樹平。暮山青黛色。坐覺轉分明。

暨陽道中

落日暨陽道。青山似海安。晚潮侵浦遠。秋色到江寬。  
樹引初來客。林藏舊釣竿。吾生飄泊甚。愧汝不能餐。

九日病卧舟中

繫纜沙邊柳。秋聲滿樹騰。異鄉虛令節。多病負登高。  
藥枕時妨酒。詩篇忌用糕。歸心日夜切。江鴈笑人勞。

尋僧

久卧交知絕。尋僧出野行。岸花紛委露。溪竹半侵萍。  
力倦逢人歇。林昏到寺明。小橋斜處立。波與夕陽平。

詠劍

具櫛製七尺。八桂取芙蓉。不惜千金價。收來比玉龍。  
壁間虹夜嘯。匣裏電秋濃。目攝荆卿去。無言孰與從。

詠碧桃二首

愛汝碧桃好。最相宜。暮年春風吹雪長。明月照霜圓。  
定識梅魂斷。應輸粉態妍。醉看思舊事。曾亞玉前。



千樹疑深鎖一枝窺短垣霧將欺盡綠月欲共花繁  
校色看梨淺藏心罨蝶暄直湏愁雨打淚濕美人痕

讀史

讀史恨茫茫臨風只慨慷白頭千古淚赤日一天霜  
此際唯孤憤何人借上方少陵無日起自笑老夫狂

雲間雨泊二首

谷口此何年孤蓬聽雨眠暗風驚死燭黑月喑無天  
老尚甘行旅貧猶晒執鞭稍寬身健在湖海正然  
風雨它鄉夜干戈故國時白頭雙淚盡赤手寸心知  
敢謂乾坤窄那堪歲月遲江湖空浩蕩未有白鷗期

玉泓館值王延年讀其詩有贈

相別兩經年相思一惘然仙姑嗟鳥使錦字借魚傳  
見面花枝外論心燭影前沾沾君自喜詩筆已如椽

婁江道中

行役三吳路初晴只一朝積陰渾似霧新漲不須潮  
細雨青蘆秋長溪白版橋老農殊欲死潦殺去年苗

八月十日毛豹孫携尊過承天寺重玄精舍同

傳七明府張大衛尉傅大孝廉汪大景啓分  
得雲字東退居水檻前一池乃是錦帆涇故  
水寺門內兩小阜正是孫武子斬吳王愛姬



為隊長處

稍涼風接樹不定月穿雲古寺秋當半吾儕晚自群  
錦帆猶一沼女隊剩雙墳感慨前人事風流屬使君  
八月十九日石湖汎舟同袁孟逸張左虞毛豹  
孫徐公理王和仲張仲虎陸姬倩芳周姬碧  
華飲治平寺王履吉草堂

蕩槩石湖閒何如銷夏灣懷人間西子選妓過東山  
高士草堂上禪林脩竹間一為河朔飲沉醉幾時還

豐對樓詩選卷第十五

豐對樓詩選目錄卷第十六

五言律詩

天池山作

過澱山湖

壬午除夕友人寄梅作

送陳甥正論之京兼柬諸從子廿八郎中五諭

德七屯田

新愁呈宦游諸君

六月廿一夜明月榭對月因懷傅七明府張大  
都尉顧大山人毛二居士去年是夜與諸君  
飲吳邑傳園俱賦殘月篇云

晚泊烏鎮



送李明府獻卿之任商城兼致曾將軍子澄  
董朝獻携罇過太湖廟同張純父申子良作二  
首

和俞公臨卜居義興七首

喜雪二首呈徐善長

癸未歲大江以南吳越之地蓋數千里自五月  
雨後雖六七月間薄爾沾濕絕無簷滴者蓋  
五月餘矣十一月九日是為冬至節乃小雨  
次日雨始有聲某夜坐吳江北寺藏經閣中  
青燈熒熒聽而忘寢因賦喜雨三章用呈徐

令公善長

崇明縣作似何使君希賢

逢人一首

海外

謝別何使君希賢

夜泊漁浦

何處

屯溪買筏

尋薦福寺

寓永福寺僧舍

番君廟

邂逅

初心

好景

新安喜雪

李七墓作

今衰二首

送箕仲按察督學江右



送陳郡公中齋還南徐二首

登張季孺宗澄波樓二首

避九 溧陽道中

杖策

丙戌春日村居聞龍季君善以大計左官賦寄

丁亥元旦 浦中

采石夜泊 蕪湖晚泊

過姑孰 大觀亭

遙望瀟山縣天柱山有作

舟三對滿月作 猶疑

君房督學見過作不日之官關中

四明山中大水三發漂廬舍損人畜不可計數

事在八九月間 老來

無酒二首 秋盡菊未花

無飲 送酒

行藥 十二日雪二首

十四日又雪 夜夜看明月二首

遙夜 悼黃秀才嘉恩

清明日作 始晴似吳十

近迷一首



閏月十六日夜舟發黃浦將之通州曙而阻雨

不行因思朱十爾實嘗以余渡海為念詩成

恨未及寄 過京口懷友人

病 送王十二之馴象

董子祠 池上夜坐

留別廣陵諸友 別母

乙卯除夕書事 宜興縣作

一水 遠尋

與陸秀才時重宿夏惟良西樓即事

春江 宿吳江

端午後一日約同張大司馬再遊茂嶼不果

枉雨赴佳什和韻 宿劍潭

人日陰

送方都尉伯赴閩旁縣募兵

哭盧九二首 有序 送周象賢赴襄國左史

客路 楚路

寄君房 寄俞自

漂母祠 三月晦日登狼山

輓李公甫

送鄭太守君亮赴永寧州



集柴仲初樓中同汪長文屠長卿葉鄭朗二首

探得清字

兩

齊雲山下宿酒家聞簫

訪華桂林仁卿諸子

百石湖

送五姪春試

雲間沈大參舜臣東墅

沈園不寐與呂生起坐即事

中父投余以詩自明已志余知其心賦答

送姚如晦遊燕

張二參軍官舍舊為太常簿

都門值吳生

訪金二子坤

送友人歸鄞

隱居

舟中

秋日病瘍卧顧汝脩宅

九日朱氏怡老園登高懷張三同朱大作

送楊博士歸辰州

晚發

過吳天錫故居

溪中人

風來聞杜若雲去識巖巒盡日扁舟坐居然得大觀



集柴仲初樓中同汪長文屠長卿葉鄭朗二首

豐對樓詩選

卷十六

四

送友人歸淮

劉昌

豐對樓詩選卷第十六

甬句東沈明臣嘉則父著

從子沈九疇箕仲氏選

五言律詩

天池山作

處處可尚羊尤宜選佛場  
睡深山夢足游適道心長  
日月忘人世松苓給稻梁  
虛堂時止觀坐領木樨香

過澱山湖

早尋峯泖路霜氣未生寒  
貼水青山小粘天白浪寬  
風來聞杜若雲去識巖巒  
盡日扁舟坐居然得大觀

豐對樓詩選

卷十六

王德瑞

二百八十六



壬午除夕友人寄梅作

幸叨閒暮日愛領折梅來想見人如玉消除酒數杯  
歲窮身尚健髮白事多違唯有青山色依然向草萊  
送陳甥正論之京兼柬諸從子廿八郎中五諭

德七屯田

送子去瑤京長風萬里情青雲官是舅綠髮汝為甥  
嗣甫堪傳易終軍未請纓謂余頭白盡只願睹清平

新愁呈宦遊諸君

舊事焚誰理新愁不可言數應窮百六世豈缺貞元  
海冷天疑漏春深雪正繁夔龍公等在努力正乾坤

六月廿一日夜明月榭對月因懷傅七明府張

大都尉顧大山人毛二居士去年是夜與諸

君飲吳邑傳園俱賦殘月篇云

共憐殘月賦正及一年秋此夜月仍白空江天自流  
無言庭樹響獨立露花浮暹憶同心者懷人亦倚樓

晚泊烏鎮

烏溪毓碧水青漢結丹霞編戶餘諸邑江村欲萬家  
大帆收估客老樹集啼鴉我亦來弭棹行吟到日斜

送李明府獻卿之任商城兼致曾將軍子澄

鼓棹過楊子驅車向豫州浮光官舍遠汝水縣城幽



問俗非新鄭聞歌是子游定知能下士先訪種瓜侯

董朝獻携尊過太湖廟同張純父申子良作二

首

落日未云落太湖平几前一樽相對好萬里欲茫然

隱隱漁舟沒蒼蒼野色連醉歸明月上籍爾画

圖傳

百尺垂虹上鱸鄉舊有亭數株殘柳在一片水雲青

江邑波連郭湖田草漫汀相逢須盡醉聚散本

萍浮

和俞公臨卜居義興七首

愛汝移家去開林陽羨山種茶春乞種畜犬夜無關

九水粘天濶千峰挂戶閒斬蛟潭不淺高枕聽

潺湲

江上家原好山中住更深小溪通罨畫古寺即祇林

種秫田曾買燒丹井莫沉土風周處記讀罷任

追尋

吾道清夷甚無妨讀馬蹄避人何用遠問俗且安栖

遇水堪名染因山或姓稽草堂如構得我欲寄

新題

最好名山處銅棺與莫釐相違知幾許只恐在藩籬

聞說饒桑柘尤堪羨鹿麋西齋多隙地種竹莫

教遲

籍籍聞前輩買田陽羨居君今能擇里我欲命巾車

雲氣深如海山光翠滿裾無煩十口計不作老

樵漁

穀雨千家茗桃花十里春自同淳古世不是避秦人

名勝山川舊行藏日月新送君專徙宅願以德

為隣



豐華林詩選 卷二十六  
揔受一廛居何論三畝餘水鄉先釣艇城市且籃輿  
要識畊雲業無忘種樹書蜀山多少路來往未應

喜雪二首呈徐善長

喜見江城雪寒深正此時老農堪大醉久客頓忘疲

五月愁無雨連年况苦饑又頒寬大詔那得不滋豐

喜見江城雪樓臺十萬家日開東塔射山抱北湖斜

坐愛僧堂暖翻愁縣署賒不將罇酒到閒殺野梅

癸未歲大江以南吳越之地蓋數千里自五月

雨後雖六七月間薄爾沾濕絕無簷滴者蓋

五月餘矣十一月九日是為冬至節乃小雨

次日雨始有聲某夜坐吳江北寺藏經閣中

青燈熒熒聽而忘寢因賦喜雨三章用呈徐

令公善長

春雨嗟過夏秋冬水澤乾居然吳越地欲作稿壤看

令節唯冬至祥風入歲寒一燈青自對蕭瑟滿端

小雨微沾物連宵亦快人不須期破塊且自免飛塵

點滴皆天澤生成荷大鈞淡旬殊未已何處不通

江雨來何好山窓聽不眠共言仁者政恰是太和天

已覺梅花醒尤占麥有年題詩投茂宰不用請錢租

崇明縣作似何使君希賢



海邑故蕭條風清蜃氣消人烟成市井生業但漁樵  
滿地方塘水千家獨木橋彈琴稱茂宰高枕聽春潮

逢人一首

海風吹夜黑花柳作春香魚服遊江水龍章適裸壤  
雖無山鳥怪也有豫且妨何處堪沽酒逢人醉夕陽

海外

偶然來海外不道出人間白浪真疑雪青雲宛似山  
午雞茅舍寂春荻野池斑信是滄桑處誰能握大還  
謝別何使君希賢

三月已如夏清風吹爽然大觀非巨海傲吏即神仙  
城日依花淡江雲似錦鮮舳艫遙送客破浪出青天

夜泊漁浦

薄暮投漁浦收航起雁群江山吳越共潮汐雨晴分  
睡美全無夢雞鳴忽有聞因思千載事狹處渡秦軍

昔始皇帝幸會稽臨浙  
江水波惡從狹中渡

何處

何處問通津秋江漫白蘋路行千里近家在五湖貧  
流水懷江夏青山識富春茫茫天地老誰是釣魚人

屯溪買筏

十日大江行青山七百程石溪為路險竹筏替舟輕



高堊多間石空潭托姓名自憐踈客計白髮尚西征  
尋薦福寺

為討鄱江勝來尋薦福銘楓侵孤寺赤天浸兩湖青  
陶母千秋墓顏公八面亭道傍行路者稽首謁山靈  
寓永福寺僧舍

作客鄱陽郡僧堂暫借居路歎防出入身懶足于徐  
沙雜山田飯盤饒江水魚偶扶藜杖去黃葉寺門踈

番君廟

偶謁番君廟間將往事論共分秦日月扶作漢乾坤  
一席長沙地千秋片碣存西風紅葉樹鵲噪到黃昏

邂逅

邂逅足清懽萍踪即考盤野梅留坐晚江竹送人寒  
翠袖天涯薄金尊客裏寬一時仍繾綣歎我竹皮冠

初心

浩浩灘聲壯冥冥山氣深複門驚去路疊巘失前林  
客况輕烟似人情巨壑臨詩成聊自語幸不負初心  
好景

艱行雖可厭清絕亦堪矜三汊如分个孤峯似立僧  
飛禽低掠水老樹半垂藤好景聊娛目因之去未能

新安喜雪



豐華林詩選 卷一六  
咄咄嗟冬暖依然報雪飛喜吟梁苑賦便欲剡溪歸  
樓閣紛瑩闕山城失翠微最憐高絕處日出晃流輝

李七墓作

此日一坏土平生何所圖為儒生計拙頌酒世情無  
日夜空潮吼寒暄細草蕪人生誰得免有醉不妨扶

今衰二首

七十明年是今衰欲自閒行吟杖杖出揖拜願賓寬  
抱子初應慣觀花久亦難不能深閉戶何以給清

七十明年是今衰理亦應耳真妨重聽足實謝先登  
高曠難離俗清閒頗羨僧玉蘭花正好急欲一呼

送箕仲按察督學江西

使者乘軒去搜材入豫章江深分九派地濶控三湘  
閣倚滕王壯亭嗟孺子荒舉帷須問俗何日到柴桑

送陳郡公中齋還南徐二首

海近惡風多長江日夜波固知行者苦其柰送君何  
白日花爭亂青天鳥放歌不如雲外賞高卧碧山

京口大江平青山十日程布帆無恙去到處有鷗迎  
花發櫻桃樹天連北固城金焦一水隔日許濯塵

登張季孺宗澄波樓二首

夏日偶相過高樓雲水寬青山開睥睨綠樹動波瀾



海鶴盤空晚江鷗逗雨寒多君知我性細帙伴殘

愛汝樓居好相過去每遲城低山入郡岸缺水通池

樹綠千家兩天青百頃陂繫舟三日醉群從揔

避九

九宜興水名邑有三九曰東九曰西九曰大

九

避九因迂路逢人指近臯湖青風色重雲白鴈行高

凍草迷荒浦寒蕪積廢陶題詩記行跡不暇惜顛毛

溧陽道中

此水浩無涯黏天是浪花淹乾洲渚出草濶雁鳧賒

何處校金瀨無由問王遮大星光似月寒照一帆斜

杖策

由溧水北門杖策走沙河口十里而遙不覺

勞頓途中小述

杖策穿林樾逍遙十里間老於筋力健心共水雲閒

異景頻過眼春風一破顏路逢年少者謂我似青山

丙戌春日村居聞龍季君善以大計左官賦寄

亂山春水漫流出舊時花莫測人間世終非帝子家

馬蹄初踐雪鳳彩故披霞誤入靡蕪徑王孫莫怨嗟

丁亥元旦時寓南都



豐登村言選 卷一 上國逢元日雲陰潤土膏乾坤開帝宅龍虎抱神臯  
四海儀刑在三吳俗尚豪預將豐稔卜農事恐須勞

浦中

浦中聊作客雨後一閒行萬鳥巢松遍千峯擁縣平  
烏江分舊壤白下對新城今日誰為政彈琴有宓生  
采石夜泊

采石千秋地青蓮萬古名猶憐江月白不照錦袍行  
帶得魚龍氣兼收山水情匆匆一夜宿誰與訊平生

蕪湖晚泊

白首胡為者孤舟出此鄉梟磯懸暮雨牛渚射殘陽  
今古英雄恨乾坤涕淚長駐帆無一事沽酒對蒼茫

過姑孰

行旅經姑孰天門陟作關然犀問牛渚落帽認龍山  
明月錦袍去春風白苧閒江流大自在今古只潺湲

大觀亭

萬里懸雙目披觀亦大堪楚妃今有幾漢鼎昔分三  
眇睽回荆楚風雲入笑譚青山吾已老指數只江南  
遙望瀟山縣天柱山有作

瀟嶽倚青天遙看宛若蓮因思漢武帝從事此山川  
衡霍嗟猶遠巡行到即便論思千載後想像固應然



舟中對滿月作

萬里同清夜三更坐白頭  
鵲飛金鏡曉兔濕玉輪  
秋橫槩曹瞞賦胡床庾亮樓  
獨憐江漢裏吾亦有扁舟

猶疑

揔道非人事猶疑有帝司  
青天橫颶母濁浪擁鯨鯢  
風雨乾坤戰山川今古移  
陰陽相蕩激元自不能知

君房督學見過作不日之官關中

不分五年別唯深一面歡  
青雲君吐氣白石我加餐  
江樹留行色風花戀去鞍  
薦賢元為國萬里即之官  
四明山中大水三發漂廬舍  
損人畜不可計數

事在八九月間

匝月三驚潦空山走大波  
樓臺成沮洳樵牧化黿鼉  
鬼哭青天裂沙沉白骨多  
至尊憂孔亟其柰不聞何

老來

老來無別事舊業不會忘  
向客評詩句從人覓酒方  
秋光隨淡薄天意任蒼茫  
風雨重陽急唯愁菊未黃

無酒二首

一月已無酒客來聊暫沽  
村醪不成醉庭樹儼相扶  
白水堪容與黃花故有無  
墻頭誰與過唯以獨醒娛  
家春由兒懶年穰穰不豐老  
甘飭力倦病怪往來慵



豐堊樓詩選 卷十六  
秋在青山際兩生黃葉中白頭堪獨坐却笑酒杯

秋盡菊未花

涼風空嫋嫋庭菊尚遲遲未辨凌霜色全孤冒雨枝  
無煩傷蓋摘且與驗根移辜負雙蓬髻蕭蕭空自垂  
無飲

竈婢辭餅罄隣翁報釀遲獨醒無不可沉飲欲何之  
暫作三閭友難逃六逸嗤太常齋是我有客莫持卮

送酒

我家山吏部一似王江州解道淵明醒即令從事游  
大瓢清中聖滿甕綠如油便可呼人飲無煩把菊愁

行藥

行藥出烟霞江村數百家白雲連翠嶂紅葉亞黃花  
石謁逢垂釣溪迴見浣紗秋光殊可眷隨意坐晴沙

十二日雪二首

正想飄江雪彌天此夕來風斜沾密室霰止積高臺  
連歲嗟春後今冬喜臘回不占知歲稔病裏即街

凍雪已盈庭塵心忽自屏馬初行過路人久不來亭  
大野春陰積長江夜色冥獨憐飛鳥外一點暮青山

十四日又雪

共傳冬雪盛定可必年豐極樂看兒輩無憂見老農



從來頌三白獨去撫孤松不害冬常煖春風入酒濃

夜夜看明月二首

夜夜看明月清光溢太空地逢千里赤人在百憂中

豈是成湯世猶懷大禹功因之小繁露縱閉若為工

夜夜看明月清輝滿地隨霜毫殊可數桂影未曾虧

宮扇全將學商歌悄自悲不知關塞上長蓬幾吹人

遙夜

客心懸冀北妾夢斷遼陽枕上無窮思遙遙夜未央

踈鐘江月曉獨雁海天霜一片龍荒色飛來萬里長

悼黃秀才嘉恩

家世元江夏黃童怪蚤名山川收國寶霜雪殞蘭英

有聖殤汪躋無年半賈生蒼天不可問冥冥自虧盈

清明日作

是日乃三月四日乙巳人云三日為上巳非

也凡三月巳日始為上巳

清明兼上巳風色異常年客阻脩蘭禊人誰挂紙錢

柳狂新翠減花戰亂紅寒稍喜江南俗從來不禁烟

始晴似吳十

學仕已無術為農又拙畊借牛犁麥隴呼馬任人情

指櫟重脩社逢鷗更結盟君家山更近或有紫芝生



近述一首

微雨托冥冥昏昏似不醒酒杯時一舉農唱或能聽  
雨急雲光黑春來石氣青牀頭元置易不是為窮經  
閏月十六日夜舟發黃浦將之通州曙而阻雨  
不行因思朱十爾實嘗以余渡海為念詩成  
恨未及寄

揚帆將渡海風雨殢行期浪穩魚龍國天黏日月池  
檣雲侵郭樹野燕掠江陂欲報懷人意微吟但有詩  
過京口懷友人

雙目倚京峴相思一夜枯布衣高晚節白首抗名都  
黃雀山連寺丹陽郭浸湖誰為許丁卯落日在平蕪

病

愁有閒驚恐病無真是非耳聾聞雨響目暗見花飛  
盡日澄懷坐高秋俗事稀偶從黃葉畔抱得白雲歸  
送王十二之馴象

君去蒼梧遠秋乘萬里風水程三楚外山色九疑中  
桂子花初白桄榔葉幾叢家鄉東海上知有夢魂通  
董子祠

落日城隅下蕭條董相門乾坤三策在淮海一祠存  
不遇當年賦瞻依此日尊庭前數株樹烏鵲待黃昏



池上夜坐

雨洗竹間亭夜深人獨醒  
空城流月白高樹入河青  
螢定風無力魚眠水不腥  
兀然天上坐衣冷一池星

留別廣陵諸友

歲暮柳枝盡我將歸故園  
翻憐折贈意不忍向君言  
凍雨邗江濕陰風淮海渾  
茫茫挂帆去一斷旅人魂

別母

老母三年病兒仍千里行  
秋風吹地冷山月照霜明  
未別先下淚問歸難應幾  
厨頭有新婦數可問梨羹

乙卯除夕書事

梅花虛臘日柳色待新年  
戢氣遙連海春風暗入邊  
干戈侵歲月涕淚滿山川  
老我仍多病乾坤誰可憐

宜興縣作

義興山水縣歲晚客乘槎  
縣裏家收犬山人戶種茶  
寒橋冰咽水枯樹雪留花  
簡朴知無事孤城閉日斜

一水

一水七百里無風十日行  
鷗沙涼可借魚市晚猶腥  
水驛殘更斷溪船獨夢醒  
長年愁殺汝鼓柁又西汀

遠尋

清溪通碧嶽道路遠相尋  
月上半江白雲歸衆壑陰



望鄉何處眼作客此時心白髮已無數見花猶一簪  
與陸秀才時重宿夏惟良西樓即事

夜共西樓宿空山正五更殘燈分月影高枕入溪聲  
感舊俱垂淚憂時半論兵聞雞還起舞直欲請長纓

春江

獨客坐孤橈春江風浪高海雲猶慘淡林莽尚蕭條  
雞犬干戈後乾坤涕淚遥翻思去來事霜髮揔能饒

宿吳江

寒風吹不定殘日晚猶生客次搔雙鬢沙邊倒一觥  
雁高雲欲破鷗亂水俱鳴醉並吳舸坐悲詞空復情

端午後一日約同張大司馬再游茂嶼不果承

枉雨赴佳什和韻

黃梅南國候連月不教晴兩脚翻江動湖波與樹平  
花應開齒莖時已過流鶯倘問年來事唯應學耦耕

宿劍潭

去國三千里孤舟宿劍津風雲生夢寐天地作比隣  
寒日梅花盡殘年客路春蠻烟與溪霧朝暮濕行塵

人日陰

蠻烟暄海甸人日轉陰陰桃李花皆遍風雷氣已深  
詩多傷物候書豈盡鄉心歸路春雖好江猿莫夜吟



送方都尉伯赴閩旁縣募兵

七閩元用武八郡豈無良自古防邊策須先得士強  
柳侵蠻壘暗天入海營長馬首休橫吹令人思故鄉

哭盧九二首

有序

全

潤之裹足不出戶者三十年餘矣故人沈問  
之令黥廼六月戒行李秣馬萬山中訪之不  
任驅馳為暑所中客死休寧旅舍去黥尚百  
里而遙問之誼甚高買山而葬雖死亦得矣  
昔張邵以范式為死友問之非潤之死友邪  
故余詩雖哀亦不甚潤之之不幸也

憐君真鹵莽生死不分明赤日驅疲馬高山問遠程

亦知天有數寔恨鬼無情幾賦招魂此哀深不可成

世事揔難料存亡理不違有人埋汝骨無用怨生非

已分終難免何論不可歸從來重死友魂氣倘相依

送周象賢赴襄國左史

送君芳草路落日且徘徊倚相元官楚襄王故愛才  
地當巫峽盡天入漢江迴莫學長沙傳湘纍吊不迴

客路

客路年將盡家書到有無數歸驚日月寧不念妻孥  
冬季寒猶積春來氣頗扶醒然吾自怪老病未能蘇



楚路

越客便舟航愁經楚路長泥深污馬腹道險逼羊腸  
早後三秋兩風前九月霜山程無遠近向晚入荒莊  
寄君房

客况亦何惡故人書懶裁無論雙鬢改萬事揔心灰  
骯髒獨何事踈狂終見猜天空一雁去聲入楚雲哀

寄俞自

涕淚空雙袖乾坤洒向誰高深唯有恨蒼莽欲何之  
知厭卑官早仍憐罷印遲今來更何謂無恙只于思

漂母祠

史上標芳譽江干寄野祠千金報易得一飯遇難期  
天曠雲開晚水渾魚上遲乾坤仍莽莽獨立黯然思  
三月晦日登狼山

莫羨驚全落櫻桃薦已殘共憐春色盡來此一盤桓  
山海何雄據乾坤亦大觀任公曾釣不吾意選長竿  
輓李公甫

舊日知公子難將濁世論親踈皆有涕生死痛相聞  
不信天如此空疑道所存無情春草色一墓在乾坤  
送鄭太守君亮赴永寧州

春雪犯江花西乘萬里槎天開五嶺濶路出九嶷斜



蠻徼通謠俗車書一漢家相思灘水月照影過長沙

集柴仲初樓中同汪長文屠長卿葉鄭朗二首

探得清字

春色登樓滿烟蕪到部平壯心花片落老眼物華驚

海白雲全暖山蒼氣不清一時吾黨在慎勿負生平

樓上此同盟遙遙萬古情城頭粘海濶日脚射江清

覆酒花枝濕彈琴暮色平不堪回白首世路滿塵

雨

冬入山城暖朝看霧雨深正妨收晚稼仍廢斲寒林

雲但垂溪黑霾全翳日陰野夫愁病劇空寄白頭吟

齊雲山下宿酒家聞簫

客睡正無寐孤城月又陰何人吹鳳管向我作龍吟

響入空樓斷寒隨獨雁沉此時愁絕盡一片故園心

訪華桂林仁卿諸子

江上夕陽村諸侯舊戟門青山五馬去喬木幾家存

竹壓藏書屋花侵注酒盆憐余今日至桑梓語仍溫

百石湖

湖水竟陵西滄波百石迷春深芳杜綠日落鷓鴣啼

天濶雲為渡烟長柳作堤知君濯纓處不讓浣花溪

送五姪春試



白髮從吾好青雲與子期龍駒初墮地鳳鳥再來儀  
一第豈難致萬言當有為明時吾敢廢諒也或能知  
雲間沈大參舜臣東墅

隱侯開別墅勝槩古婁東城罷斜陽外樓臺積水中  
千章喬木夏一笛野溪風醅酌忘為客乾坤任轉蓬  
沈園不寐與呂生起坐即事

江城風柝緊不寐夜何其鳥夢醒還語魚心樂自知  
林間星箇箇池上月枝枝並立悄何意高樓天四垂  
中父授余以詩自明已志余知其心賦荅

嗟君兔園客又度雁門霜明月授知己雄風識大王  
劍泣青天血虹流白日光恩讐言耻未報長醉舞郎當  
送姚如晦遊燕

十上不得意一生唯浩歌莫言今白髮不肯渡黃河  
天上故人待雲間酒伴多兩都新草賦紙價定如何  
張二參軍官舍舊為太常簿

薄宦憐君拙江東一步兵已為新轉秩共說舊銜清  
樹老官衙古秋高客夢平為余先下榻一罄十年情  
都門值吳生

黥水昔離群都門喜見君吾能添白髮汝自致青雲  
宮闕高秋色山川帶夕曛登臨向何處松際冥鐘聞



訪金二子坤

茆屋蕭蕭晚秋陽照土墻  
荳花初帶莢杞子未經霜  
原憲非君病琴張是我狂  
相逢只長揖一笑據胡牀  
送友人歸鄞

此地那堪別况君歸故鄞  
秦淮黃葉樹江漢白頭人  
家在無書寄途長有夢頻  
將何慰妻子行路正艱辛

隱居

柳外橫青巘門前帶白沙  
荒村三戶並流水半溪斜  
高岸燒餘土深篁隱故查  
主人無盥櫛知是隱君家

舟中

臘月雲間道蕭條客裡愁  
顛風吹萬壑落日駐孤舟  
夢警天難曙江寒凍不流  
明朝何處宿形影愧沙鷗  
秋日病瘍卧顧汝脩宅

武陵仙境裏高枕乃吾廬  
病客休文榻通家顧况居  
春暉高燕雀秋水淨芙蓉  
渠最是難忘處兒童亦愛余  
九日朱氏怡老園登高懷張三同朱大作

九日他鄉客茱萸海上杯  
登臨知不負朋舊幾人來  
時序風前改江流天外回  
白頭吾自信爛醉菊花臺  
送楊博士歸辰州

聖主棄楊雄罷官歸楚中  
壺頭峯樹綠漢口岸花紅



豐登樓詩選 卷十六  
賓布輸公稅蠻田授野僮草玄書屋在時得詠春風

晚發

晚炊辭郡郭騎馬出江鄉月影當林暗星光墮水長  
露下衣全濕秋高劍有霜衰遲愧行役明日又何方  
過吳天錫故居

舊宅枕西河孤兒今柰何故人不可見此日偶經過  
草樹秋烟斷荒涼夕照多平生交誼在回首淚滂沱

溪中人

茆屋石溪頭溪泉白日流山中釣魚伴身上着羊裘  
綠水桃花暮青天野竹秋武陵知不遠真得傲王侯

豐對樓詩選目錄卷第十七

五言律詩

莫氏園值陸子野郊 哭朱六近臣溺海

董子元移居華亭城南

入楚

封君戴育之先生輓章

宜興獨山謁東坡書院

送人丞南海下邑 贈方廿六阜民

包參軍歸自東魯先以書聞余病未赴却寄

兩聞余君房寄書只得其一

贈羊存禮

放船



與仲房再訪丁吉父竹林懷舊游

謝潘尚書子仁見過 志哀

登化劍閣 東峰驛與陸丞

閣夜聽良善上人彈琴

病中得顧季狂書聞有戒心却寄

過徐別駕園中 閩清江上阻風

遲郭文學建初 送人募兵

喜得王仲房書 獄中訪魯子澄故將軍

張司馬湖上園分湖字

司馬園遲張氏諸仲 輓包十參軍

輓夏廿六唯良 青溪隱者

張大屠大俱在病鄉却寄

茂嶼即事二首 江村

螢 病

贈陳大若魯

至日馮子喬宅分來字邦憲病不與

宿顧四舍人曇花閣

再送象賢左史赴襄國二首

過清泉寺宿汪仲淹仲嘉象先讀書處

簡黠侯宗弟問之 生朝寫懷示問之



送張大應留都試 兩集長輿草堂探新字

得象賢杭州手書尚滯旅邸

送張大 茂嶼

詠歸軒對雨 鳴雨

屠田叔張孺覺皆抱子女之戚詩以殤之

送画者劉生漢之無錫

得王九賁仲書 戴仲德再過同用來字

簡董文蔚病

孺覺得余書喜賦四韻和之

聊題數字寄徵孺見枉高篇和之

讀君房詩

寄俞自

戴子謙以詩來招賞菊和答

過黃按察山齋

聞朱邦憲至會稽不至四明作

孤村 晚次大樹街

段孝廉子照見過

自西口抵東口三晝夜始達

和州道中

阻風大江口望姑熟諸山作

題張次積木蘭閣 春雨堂遲邦憲



集張氏齋中分聲字

十四夜與袁履善莫雲卿朱邦憲集張長輿齋

中得烟字

怡老園看梅

兩集雲卿南郊別墅同用青字

同楊思悅箕仲集俞孟武西湖山莊分幽字

挽姚如晦文學

吊楊揔兵一首

集錢叔寶別業乃喚隣姬作炊飯我

題鄭東陽作圃後衙

吳門值郭二次父口號

吳門喜遇梁六伯龍答贈

同沈鳴父遊支硎山作

三月七日集叔寶懸磬室分鳥字

潘孟喬慧閣夜坐分南字

集顧符卿露香園因懷長公鄧州

汝和廷尉五十詩

過長輿草堂

宴顧四太守園中

邦憲灼艾

遊怡老園袁九齡先一日別去懷之

喜汝脩復至

曲水

疊字詩留別

別王常

十三日小祗園遲月

子念庭花種種秋色爛然日夕一壺相對醉而



詠之

將赴中原留別子念

蘇州荅鄔汝翼枉贈 過王履吉故居

八月十二日集陳都尉應飛園中

寄伯復 寄長孺

寄君房 寄田叔

寄李五 早渡寶應湖作

漂母祠

孫兆孺至自楚王叔太守夜集慈靈宮同張羽

王司理魏季朗文學分文字

同兆孺季朗集羽王客舍分寒字

再送季朗還吳

集潘按察仲履署中分東字

荅王叔兆孺寶應湖中見懷之作

贈楊大伸秀才

除日王叔使君見過貽以詩奉荅

奉荅王叔盱眙道中見懷之作

荅葉茂長早春見懷同先字

簡葛士脩病 潘六雲卿携酒

送春 喜雨

海上觀濤



三月廿五日集錢子愚園中得遲字

戴花解嘲  
苔

林陰  
美人對鏡

與高時化季才謁包孝肅公祠

送王和仲還吳門

豐對樓詩選卷第十七

甬句東沈明臣嘉則父著

從子沈九疇箕仲氏選

五言律詩

莫氏園值陸子野郊

不見陸生久相思空歲年雲間忽邂逅池上合留連  
我已凋雙鬢君猶守一瓊各言離別事把手意茫然

哭朱六近臣溺海

望望鯨波遠茫茫汝獨沉共憐王勃死豈是屈原心  
海水無回日篋篋有斷音故人哀些發涕泗不成吟



董子元移居華亭城南

已有城南宅。滄波足釣魚。青春花塢靜。白日草堂虛。世亂猶存劍。家貧未鬻書。茂陵嘗作賦。人自擬相如。

入楚

萬里開全浙。西南盡草萍。楚人爭水利。越俗聚鄉兵。孔道成新築。長亭過古城。千年悲屈伍。無處吊莊平。

封君戴育之先生輓章

今日斯人逝。天胡喪此文。道途悲落日。里巷哭秋雲。家乘五枝桂。鄉評萬石君。春花開墓草。莫使杜鵑聞。宜興獨山謁東坡書院

長公天下士。荆水寄荒祠。楚橘黃誰把。蜀山青自知。他鄉傳俎豆。異代仰文詞。再拜蒼苔裏。春風吹竹枝。送人丞南海下邑

陶秫無勞種。崔松不用哦。看君書上考。定在拙催科。丹熱雲垂荔。珠寒月射波。公餘策馬去。一訪粵王佗。贈方廿六阜民

新都尋舊侶。并得識方干。貌有烟霞氣。胸蟠星斗寒。濟人諳藥性。避世著儒冠。昨日聞奇事。間關赴遠難。包參軍歸自東魯。先以書聞余病未赴却寄

昨日君書至。真能慰我饑。月分青海去。雲拂太山歸。



江閣碧岑迥渡花紅雨飛  
伶予仍卧病敢與故人違  
兩聞余君房寄書只得其一

三月寄書頻憐君客况  
新一封初見日幾憶故鄉人  
白雪明于玉青雲暗若塵  
極知勞北望日暮欲傷神  
贈羊存禮

君本羊曇後飄零東海濱  
愁中銷綠鬢客裏度青春  
投塊傷公子沉舟憶丈人  
茫茫天地濶何處不迷津

放船

晚放鑑湖船斜陽欲盡天  
水當千嶂逼帆近一星懸  
沽酒依青芷長歌出紫烟  
少陵佳句在晚飯柁樓前

與仲房再訪丁吉父竹林懷舊游

竹徑何幽絕耿然懷舊群  
偶從各散後遂爾不相聞  
今日仍樽酒新晴對此君  
惟同王子晉一坐竟斜曛  
謝潘尚書子仁見過

客舍青山曙高軒白屋過  
履聲驚鳥夢豸服破烟蘿  
濁世諸侯重風塵國士多  
顧非燕趙產亦自有悲訶  
志哀

造物似無情天王本聖明  
三人成市虎二卵棄干城  
白日風雷變黃河天地傾  
空歌悲楚些宋玉自沾纓  
登化劍閣



豐登相言選 卷十七  
化劍已千秋空潭日夜浮白雲鷗外度紫氣斗邊流  
蒼莽誰傾蓋高深獨倚樓悲歌不成調兀坐理孤舟

東峰驛與陸丞

古驛蕭條甚經年客過稀荒林秋色重空館夕花肥  
斗祿休嗔薄微官可息機門前有流水且自浣塵衣  
閣夜聽良善上人彈琴

閣夜高秋霽松間月上遲拂牀彈綠綺流水下清池  
曠矣鍾難遇黯然文在茲曲終相晤語踈磬坐來時  
病中得顧季狂書聞有戒心却寄

故人十日別兩寄碧山書木客窺行跡蠻方阻後車  
戴淵那可得李涉自應虛聞戒雖能饋前途莫浪如

過徐別駕園中

城南開別墅山色恣宜秋古樹空庭得寒潭夕照留  
逶迤花外徑高下竹邊樓盡日清樽興相看思轉幽  
閩清江上阻風

劍水辭高瀨閩江阻大風雨寒天欲雪霧白水全空  
土俗猶黠結蠻言以意通吾生亦何事浪跡復西東  
遲郭文學建初

空怜人日過不見使星飛風雨孤城入乾坤三舍違  
青燈垂暗蓋烏鵲度春扉獨立看庭樹陰陰下夕暉



送人募兵

海徼初寧後防危尚募兵黃金收壯士白羽匝連營  
土著計雖得邊方孽未平豈無投筆輩莫嫚罵狂生  
喜得王仲房書

七閩為客久兩得故人書邊柳鶯初合春江鴈不踈  
交能知鮑子賦或賣相如長跪開緘屢憐君反索居  
獄中訪曾子澄故將軍

鄒陽憐滯獄誰可上書人黯黯千秋恨纍纍一楚臣  
園扉下白日木吏對青春吹律回幽谷終知天地仁  
張司馬湖上園分湖字

司馬園初構開門見野鳧一樽留客處千里問歸途  
踈雨晚侵閣夕陽秋滿湖臨池待明月揮酒勸菰蒲  
司馬園遲張氏諸仲

病客卧江濱出門秋色分重憐諸從約那忍獨離群  
虛閣懸青巘孤峰控白雲吾狂無乃甚兀坐遲東君  
輓包十參軍

夜壑報藏舟春江罷釣釣琴書暗塵網綦履斷交遊  
潮落桃花渡山空海曙樓北邙湖水草宿殞宮秋  
挽夏廿六唯良

寒雨空江暮荒村大海浮素車邀白馬丹旒赴眠牛



豐登詩選 卷十七 五  
往事君何有冥心我自來山陽今日過無笛使人愁

青溪隱者

愛汝能高隱青谿帶草堂深青知樹密淺碧見天長  
嘯月烏皮几眠雲白石牀間垂棘津釣不是待文王  
張大屠大俱在病鄉却寄

春日靜娟無花不可憐骨嫌吾嬾甚病怪友生連  
盡日鶯啼戶何時柳拂船即看江草色空映白鷗天

茂嶼即事二首

才到東山好身心每晏如蒲浮春院酒高枕夜牀書  
松響山連閣蛙喧水近居五更殘夢醒月作曙窓虛

不識尚書貴山中幽事多漁來賣鮮鯉客有饋生鵝  
雨外新樓閣雲邊舊薜蘿野人成獨往醉起和農

江村

自愛江村好幽居事事無閒房營白鳥枯樹走玄駒  
衆綠新過雨群黃始放雛將何娛老眼開閣俯高梧  
螢

夜坐小樓寂孤螢似度星飛飛繞梁白燁燁照書青  
懶愧曾囊汝知堪自鑿形因之憐腐草吹萬惚誰靈  
病

大暑減眠食高秋病未強瘦憐千歲鶴食笑萬頭羊



枕昵青山雨門窺白鴈霜荒村大水後漂盡禹餘糧  
贈陳大若曾

窮巷負北郭誰云仲子貧讀書忘歲月貫酒醉比隣  
風氣日能上乾坤時一身門前芳草路千里有來人  
至日馮子喬宅分來字邦憲病不與

百年能幾聚至日且啣杯江郭連深霧庭花見小梅  
書雲詞客坐添線美人來却憶同心病難將笑口開  
宿顧四舍人曇花閣

此夜重招尋况當山月深晤言居士室共有逃禪心  
霜落寒枝影風吹高樹林懸知許玄度常自戀山陰  
再送象賢左史赴襄國二首

荆襄春正好雪水自天來共接王門客誰憐內史才  
山川仍楚國雲雨舊荒臺賦草何時竒當憑秋鴈

仙舟辭越海去去指荆襄侯國開雲臺王程過漢陽  
穆生存醴酒宋玉賦高唐應教君能事雄風起王大

過清泉寺宿汪仲淹仲嘉象先讀書處

竭來投野寺回首憶重過况復故人在其如白髮何  
踈鐘遲月上落葉積霜多去住元無意長風吹薜蘿  
簡默侯宗第問之

日怪休文病長妨坐看花關城夜不閉山縣蚤休衙



豐登樓詩選 卷一七 七百四十五  
種秫調新鶴彈琴候暝鴉憐君真卧治祗自笑搏沙  
生朝寫懷示問之

五十二年過其如天地何真慚犬馬齒空負毳毛多  
客鬢驚山雪鄉心夢海波天涯吾弟在相對一清歌

送張大應留都試

送君凡幾上南北是秋闈今日忍爲別平生願莫違  
江臨京口濶山向石頭圍獨有知心調泠泠手自揮

兩集長輿草堂探新字

言有城南墅相過豈厭頻故知青眼別誰謂白頭新  
凍日常飛兩殘年已入春吾將理歸棹相送幾何人

得象賢杭州手書尚滯旅邸

落日迷官渡飛花攪去津相違萬餘里相送幾何人  
翻自題書日憐君別我晨如何尚留滯辜負楚江春

送張大

秋到秦淮迥涼飈欲滿旂舊時佳麗國今日帝王畿  
草意隨人綠花香撲馬飛莫愁湖上路誰共采蓮歸

茂嶼

吾道在青山高風邈自攀穿林分落照坐石俯潺湲  
碧嶂聞猿嘯青天見鶴還漁樵處處有何用白雲關

詠歸軒對雨



何以銷長日幽軒坐不歸山磬風綠軟蒼蘆雨香肥  
墻濕蝸涎上苔深鳥篆稀吾將拚白首醉枕芰荷衣

鳴雨

鳴雨夜不歇朝來仍細微岸花紛委雪濕葉暗成圍  
天意終難測江心去莫違搖搖雙艇子慎勿怨遲歸  
屠田叔張孺覺皆抱子女之戚詩以殤之

玉毀難辭恨珠殘重自憐魂銷啼鳩候淚滿落花天  
不語非忘却鍾情豈是偏人間父子愛憂喜獨吾捐  
送画者劉生漢之無錫

送汝延陵去蒼茫震澤前城邊季子廟寺裏慧山泉

湖雨秋還熱江雲晚自鮮最于何處景寫寄草堂懸

得王九賁仲書

經歲懷王九封書寄沈卽行行疏舊好一一是愁腸  
雨罷雲仍黑風迴樹稍涼開時三過讀長嘯俯蒼茫  
戴仲德再過同用來字

三月故人別孤村蘭槩來江深暑氣薄林靜火雲開  
遺我楊家果留君河朔杯門前潮未落莫報長年催  
簡董文蔚病

不見董生久遙憐日下帷忽驚新抱病始訝故無詩  
禱久須當信醫來不可遲始衰吾畏暑亦坐采薪時



豐聖林詩選 卷十七 九  
孺覺得余書喜賦四韻和之

憶汝青山館風花向客狂八行殊寂寂四韻已琅琅  
片雨孤城入湖天幾樹涼相思不相見唯托鯉魚長  
聊題數字寄徵孺見枉高篇和之

欲作解嘲文無竒媿子雲故人能不忘惜我久離群  
草閣吞江盡陰窓逐樹分報書纒一紙何以叙殷勤

讀君房詩

藻思披霞蔚篇章落鳳麟龍輿臨大道寶筏渡玄津  
四海無雙士百年曾幾人更誰誇大雅吾願執鞭親

寄俞自

自笑菰蘆士曾聯幕府襟英雄紛在眼超絕不如髯  
邵奮存張舌徐危因酈炎吾今頭白盡日有釣絲拈  
戴子謙以詩來招賞菊和答

藝菊滿山堂娟娟殿晚芳開時常冒雨彌月未經霜  
招客憑新句為惟狎巨觴陶然一醉後風雪任歸航  
過黃按察山齋

閉門愁積雨稍出向東隣好主真江夏為賓媿井春  
樹寒青不凍菊暮紫猶新未醉那能去當山正葛巾  
聞朱邦憲至會稽不至四明作

誰謂草堂靈虛疑聚德星徒聞探禹穴不肯問金庭



水汎雲門白山空雪竇青何年東海上遲爾一揚舲

孤村

楚鄉風雨後旅思怯高秋越葛辭紈扇吳綿想敝裘  
高行丹嶂險深見濁河流去馬何遷次孤村不可留

晚次大樹街

童僕困途遠行歌君馬黃街空名大樹路盡走荒岡  
馬戀斜陽草人嗟去鴈行村酤不可醉自笑減清狂

段孝廉子照見過

獨客眠空院多君遠見尋論文能抵掌傾蓋即同心  
高閣斜陽盡荒池落葉深相逢休遽別天地幾知音

自西口抵東口三晝夜始達

百里東西口三當日夜經湖歌半船月天滿一帆星  
水淺寒猶濁山空暮自青敢云貪利涉風色恣冥冥

和州道中

世路無青眼家山空翠微河流裕溪急江樹歷陽稀  
湖海名猶寄乾坤老未歸北鴻南去盡一一與俱飛  
阻風大江口望姑熟諸山作

江濶波濤壯况當風力雄南人不敢渡北去若乘空  
白紵招桓妓青山揖謝公雲霞俱泯滅想像有無中

題張次積木蘭閣



橫空飛峻閣人擬木蘭舟簾捲雲如海窓開月滿洲  
帆檣生棟宇天地入鳧鷗更有姜肱被時時作勝遊  
春兩堂遲邦憲

共有梅花約相携過草堂如何日欲暮猶在水中央  
竹影辭窓去溪聲繞戶長綠罇空自好怪未倒衣裳  
集謝氏齋中分聲字

浦上衡門啓江鷗日日迎雲將低晚色潮欲帶春聲  
種藥防人病開尊款客情夜深猶未散寒月上高城  
十四夜與袁履善莫雲卿朱邦憲集張長輿齋  
中得烟字

高齋開勝賞正及上元前歌以梅花落燈將寶樹懸  
池光迴晚照山氣濕春烟錦瑟佳人會當場誰少年  
怡老園看梅

出郭驅羸馬看梅過野園雪偏迷客眼香欲斷春魂  
樹密全侵徑花繁半在門若爲何水部東閣倚黃昏  
兩集雲卿南郊別墅同用青字

去郭一二里草玄楊子亭入門春草長過兩竹林青  
飽飯將何作命騷憐獨醒溪邊別時樹楊柳帶春星  
同楊思悅箕仲集俞孟武西湖山莊分幽字

天地誰知已平生意氣投相親非按劍一笑且登樓



豐堊村言選 卷十七 十一  
况此湖山美正當花竹幽酒邊逢小阮日暮倚糟丘

挽姚如晦文學

海上姚文學人稱古孝廉一經傳鄭氏諸弟泣王淹  
醉豈悲歌託愁知老病兼庭花仍舊發春兩自垂簾  
吊楊揔兵一首適胡司馬事白故及之蓋楊亦

胡公故裨將迺以註誤罷官

漢帝思頗牧將軍不待年邊風嘶鐵騎海月暗戈船  
新令恩將及孤臣骨可鐫罪聞司馬赦塚取象祈連  
集錢叔寶別業乃喚隣嫗作炊飯我

小構草爲堂吳王廢殿旁君言花正發客以醉爲鄉  
酒媪券堪折王孫飯可當枕肱吾亦得莫笑嗣宗狂  
題鄭東陽作圃後衙

為政多餘暇為園寄遠情青山窺印綬流水入琴聲  
池有雙鳧起樓將八詠名吾家隱侯地終日謝簪纓  
吳門值郭二次父口號

一晤長干市經今又十年吳門仍邂逅故宅已蕭然  
君在五游外吾唯獨往前醉歸何處所長嘯白雲天  
吳門喜遇梁六伯龍答贈

避地居廡下梁鴻不賃春市終非有虎吾竟嘆猶龍  
已隔十年面俱非舊日容一時悲喜處相對把芙蓉



同沈鴻父遊支硎山作

瞿老藏名地支公說法年  
礪雲生白馬寺靄結青蓮  
絮齒逢泉漱題詩選石鐫  
同遊君獨好應作上乘禪  
三月七日集叔寶縣磬室分烏字

王孫今是越廢寢舊爲吳  
落日孤城大東風百草蕪  
橋春將起鳳樹暝欲栖烏  
訶舞休辭夜衰顏借酒扶  
潘孟喬慧閣夜坐分南字

置酒臨雕閣迓禪託老曇  
星窺朱戶北風度繡窓南  
燈焰花深映鑪香蕙共含  
未能捐米汁佛日且須貪  
集顧符卿露香園因懷長公鄧州

芳讌東山好朱明別館涼  
千花窺水鏡萬綠引山牀  
池響魚爭食堂鳴燕乳梁  
舊游三五伴高卧念長康  
汝和廷尉五十詩

罷直明光殿歸來又幾春  
青山安夢寐短髮戀綸巾  
伯玉行年是商瞿抱子頻  
風波驚自定從此作閒人  
過長輿草堂

爲是清和候相尋一扣扉  
逢君讀書倦飯我釣魚肥  
花竹深涼氣池亭待夕霏  
極知間可樂獨怪未能歸  
宴顧四太守園中

再向武陵游陂塘五月秋  
綠深千樹雨香散百花洲



雙玉堂詩選 卷十七 十四  
任樂人人醉行歌處處留馬卿常謝客多病自風流  
邦憲灼艾

茂陵多病者畜艾幾經春爲有醫王力應多分痛人  
笑知烟暫歇嘖識火猶新試看西墻樹微微影過隣  
遊怡老園袁九齡先一日別去懷之

去路無三舍渾疑別幾時故知伊宛在應念我何之  
天末蘋風起林中水月遲豈無樽酒共倚樹忽相思  
喜汝脩復至

十日平原飲憐君去復來池亭生氣色花竹佐深杯  
青眼雲能共蒼顏月爲開明朝騎馬去束帶又城隈

曲水

曲水雲烟舊風流久尚傳地當山水勝人是永和年  
感慨同今昔文章自管絃多君懷古意託跡向名賢  
疊字詩留別

莽莽乾坤大搖搖舟楫輕年年故人酒得得送余行  
白鳥雙雙下青楓處處迎問潮潮忽滿別思欲盈盈  
別王常

何處重逢日情憐獨夜深海門賒月色江郭費秋碁  
去住俱爲客乾坤託此心平生雙涕淚爲汝一沾襟  
十三日小祗園遲月



右丞携酒處遲月  
朝川時積水生雲  
薄高林閣雨遲  
秋花紛委席暮葉  
淨連池怪殺嫦娥  
妬更深不可期  
子念庭花種種秋  
色爛然日夕一壺  
相對醉而

詠之

庭下秋光好相逢  
醉似泥葵憐能衛  
足葉怪似雕題  
仙蓋元稱鳳雄冠  
擬闔雞歲莖紅一  
樹霜剪絳綃齊

將赴中原留別子念

多少并州淚看君  
不敢垂况逢多病  
後又作遠行期  
匹馬中原暮孤帆  
春水遲乾坤芳草  
路知是去來誰

蘇州答鄔汝翼枉贈

秋滿闔閭城逢君  
眼自明新詩兼月  
上俠氣與雲平  
南國宜春苑西施  
子夜聲倦游非壯  
士莫學馬長卿

過王履吉故居

秋風新郭裏詞客  
故莊存黃葉低辭  
樹清溪曲到門  
山橋頻送馬野犬  
獨迎村書帶猶餘  
草高名儼自尊

八月十二日集陳都尉應飛園中

投轄孟公井將軍  
大樹亭夕林披閣  
翠雲術照山青  
箏女宜花月詞人  
半酒星閉門微雨  
作秋色正冥冥

寄伯復

瘦骨憐渠甚秋來  
儼較強家書不可  
到吾在白雲鄉



豐聖林詩選 卷十七  
愛第風塵棄雙親日月旁料應多病後一一斷人腸  
寄長孺

春深同作客怪汝早還家老病唯餘骨愁心揔是麻  
揚州吾問鶴瓊樹故生花此日能無意相親傍海涯

寄君房

片語千秋在經年一字無稍聞爲客處傳道是新都  
故舊幾人遇乾坤莽自孤新詩須滿寄五色爲誰敷

寄田叔

知汝遙相憶青天片月孤音書疑向楚踪跡未離吳  
閱世堪垂淚冥心莫問途歸來終閉戶誰傍老潛夫

寄李五

嗟余浮海士羨汝故山人帶索游吾土斑衣媚老親  
幽齋白日暮高樹碧天春佳句奚囊滿應多勝事新  
早渡寶應湖作

漂母祠

鷄唱五更霜孤舟入射陽風乾波偃色日濕露搖光  
客路薰葭潤鄉心日夜忙南東書不到鴻鴈汝空翔  
海上淮陰罷城邊漂母祠極知非故土亦自繫人思  
想見垂綸處猶疑進食時英雄千古事寂寞水雲知  
孫兆孺至自楚王叔太守夜集慈靈宮同張羽



王司理魏季朗文學分文字

召客過閒館靈妃瑟可聞何人評月旦此夜動星文  
萬柳霜前脆雙池月下分它年傳故事應頌潁川君  
同兆孺季朗集羽王客舍分寒字

相逢猶未晚四海足交懽日落孤城暮雲深大澤寒  
偶論天下士不覺酒杯寬無柰真萍梗朱絃合再彈  
再送季朗還吳

不用問歸途長淮下短艫山青過北固雲白是東吳  
以我思鄉淚憑君寄得無路同家遠近唯有夢堪俱  
集潘按察仲履署中分東字

餉道開滄海遙通碣石宮走迎國士日綽有大臣風  
賦就知平子賓來是孟公霜臺迴晚照春色徧淮東  
答王叔兆孺寶應湖中見懷之作

何處薰葭詠言從古射陂徵君郭有道太守鄭當時  
各挾風霜字俱含山水姿遙天不可到默默寄相思  
贈楊大伸秀才

蕭然環堵處匡坐且絃歌憲也貧非病回哉樂自多  
浮雲任舒卷急景莫蹉跎玄草知能續乾坤柰爾何  
除日王叔使君見過貽以詩奉答

旅館驚年盡過逢報郢人孤懷吾自許片諾汝尤真



楚竹青如舊淮雲澹欲新天涯明日路五馬散陽春  
奉答玉叔盱眙道中見懷之作

春色朱輪外東風憶使君馬投山寺月旌抗野溪雲  
繡谷花從發都梁草欲紛懷人有佳句一一使相聞  
答葉茂長早春見懷同先字

梁谿春水上楚國早梅前費汝相思句憑誰寄酒錢  
霧黃江泚泚山精月娟娟我已沉淪甚何名敢讓先  
簡葛士脩病

細雨濕烟林憐君卧病深青春過枕上紅藥到階陰  
書至還三讀詩成祇一吟行行堪涕淚底是隔同心  
潘六雲卿携酒

共道潘郎美相逢尚黑頭携罇來飲我盡日肯淹留  
芳樹當庭艷清童倚柱謳如何不一醉孤負此良遊  
送春

忽怪青陽盡流年損客心鶯啼愁滿路花落恨千林  
大海家鄉隔孤城風雨深明朝還可醉莫便罷登臨  
喜雨

三春銷旱色一雨洗愁心天地功元大江湖澤自深  
流紅出暖谷濕翠滿晴林共道當豐稔狂夫得醉吟  
海上觀濤



萬里懸雙眼滄溟接混茫浪驚春雪黑  
躑欲破天蒼赤縣風塵裡神山日月旁  
轉憐枚叔者空自賦錢唐

三月廿五日集錢子愚園中得遲字

野外白雲池春光去較遲柳塘風絮積  
花磴夕枝披栢構長廊暗溪迴曲檻移  
無言成獨醉心結後來期

戴花解嘲

紅白雙雙亞蓬鬆萬縷當一枝驕鬢淺  
數朶媚春長何但樽前艷猶疑鏡裏香  
醉歸明月下爭道是新郎

苔

慣積幽人宅偏滋大士林綠堆秋館雨  
紫繡暮墻陰白露寒猶淺斜陽照獨深  
君王無履跡金屋自傷心

林陰

杖策入華林林高翠影沉竹連松屋靜  
柳暗草堂深鳥誤飛雲入花疑古雪侵  
偶聞樵語響何處托冥心

美人對鏡

曙色開羅帳春容上寶釵盤龍傷自拂  
舞鳳怨難偕照膽明過月簪花暗不羶  
雙眉留未画夫婿筆尤佳與高時化季  
才謁包孝肅公祠

一笑河清比威名今古尊瞻依生氣在  
祠宇故鄉存野日城南渡荒烟水北村  
天寒畊牧者猶說是聞孫







六月十五日海陵道中對月懷送行諸君

走筆奉荅司馬公見招之作

再荅再招之作

次荅李賓甫蕭臯別業

暝色

賓甫齋中聞新鴈同君房作

訊倪博士公白奔喪

汪長文移酒過司馬園對菊分深字

司馬張公同君房賓父義問見過奉同司馬公

韻

汪長文同楊伯翼見過

仲德見過

陪張司馬月湖堂餞送君房北上分莖字

集聞仲連齋中分啼字

送族子伯復北上省親二首

李邦臣六十生日作此貽之

長文寄寓僧舍社中諸君過存二首

送仲常姪如燕

送史稚彪秀才赴崇德

兩集司馬公新山

宿汪二參軍仲安齋中

題大雷山中汪氏水閣

題汪氏鋤雲軒

仲安携試銅鑪出游葉公廟



鄞江上讀盧楠詩

聞九仲連過高霞館分心字

過李五齋中同用晴字

送陳穎叔之揚州 閉關

過包九潮陽山房期張邵武不至

集周公瑕園館 戴仲德見過二首

春霧山行 夜宿煙浦

出越州 山陰道上沽酒

過梅市 催菊二首和施引之

贈謝道化 書釋慧復初卷

與郭次父集姚大繼文太史宅分宵字

宿朱涇尋故人不得 拜雲間沈太僕公墓

重過靜安寺 送遠曲

柳塘春水漫 雲中辨江樹

一樹 集怡老園追感

舊雨軒分韻得陽字 訪張夏父瑚

題秦侍御玄覽樓 乞藥喬志一

飲韓生所 長輿席上

己亥四日與君房田叔箕仲集司馬園

賦得臺城柳送周使君國雍



卷之六  
荅柴生仲初見訊  
荅葉生鄭朗見訊

坐對  
白髭

中秋日喜值故人  
十八夜

秋日常樂寺漫作  
送箕仲之衢州

送仲德還剡仍用徐字

橫塘夜汎蕪送仲德得深字

別來一首呈諸知己  
仲德過青棠館得間字

荅賓父江上見懷作  
湖上

仲德雨過  
對雪三首寄君房

後對雪三首同君房翠碣樓

病對王蘭有作  
劉明府應遷臨况賦謝

張司馬招遊茂嶼以事不赴賦寄

司馬公湖堂陪孟孺酌

兩赴蕭臯二首

張大明府携罇過陳將軍園中飲程孟孺文學

同包九主簿屠大比部李五山人君房箕仲

兩造士張六秀才

葉鄭朗携罇過司馬湖堂酌孟孺蕪餞余語溪

之行留別諸君得深字

崇德西郭草堂懷宋初陽客吳興



五月十四日晚歸自語溪浮夢館對雨

聞孟孺移寓寶雲寺有作

挽程博士

留鄭朗子高宿青棠館

訪施引之不值

思悅携罇分清字

集吳門孫衛尉千父第分兵字

冬晚登通州毘盧閣

送初陽還廣陵

再送通侯入覲

冬日與諸君郊行

夜宿盧子明山房

夜渡

遊廢園

顧益卿客吳興經時未返近聞有新安之遊懷

寄

春寒

出西口即事

送張克應之金陵兼柬秦淮諸趙

陳思靜作青陽館于天寧寺稍理花事乃以病

日家居有年所矣禪寂導養諸種種多効茲

命吾侶作看花會因賦此詩時丁丑浴佛前

一日

王園沉舟

王園贈張叔理

病目

秋日過江園三首

冬日過西寺齋惠公房得春字



和孔昭城字

從吳門還海陵同孔昭潛孺有子夜過慈明得

寒字

萼綠館為顧明卿賦

喜吳少君見過

方國華見訪用韻

初還林中承范司馬見過頃即別去病間賦此

懷之

聞吳少君移寓寶雲寺寄之

楊伯翼見過即別去 霖兩寄懷少君

簡謝張孺毅兄弟見訊

豐對樓詩選卷第十八

甬句東沈明臣嘉則父著

從子沈九疇箕仲氏選

五言律詩

陳司寇宅觀隆慶錢同賦泉字

聖世重光後華堂濟美前初傳九府鑄又見一朝錢  
赤亥行同遠青鳧選中偏水衡緝自積刀布摠名泉

過盧四子明食翠館

入門高館靜深翠撲衣裳食柏知心苦采芝驚袖香  
石林千卷積木几一琴張聽汝泠泠調留余到夕陽



集雲卿芳潤園得亭字

閉門君自好爲我暫開扃留客花三月無人草一亭  
濁醪堪世態白眼睨天青多病辭深酌非關事獨醒  
白正夫席上聽徐美人謔分陽字

金縷當筵發瓊姬獨擅場清聲徵玉緩高韻入花長  
暗落愁人淚明迴俠客腸風前忽欲斷脉脉送青陽  
與凌叔吉顧明卿集盧子明食翠館遲潘雲卿

葛士脩不至分明字

連日苦陰雨快然忻此晴高朋忽有召旨酒願同傾  
雲與人俱白眼當花獨明如何佳麗地猶自隔傾城

過曹子泰山居

水上居偏勝山園萬木深青天不可見白日自垂陰  
舍逐澄江轉花憑巨石臨相逢不厭數盡日可鳴琴  
伯宸園中留別社中諸子分陽字

尊酒雙梧下相違戀夕陽路逢秋草色家在白雲鄉  
千里能同社何時復對牀以余難別處知爾不能忘  
子愚園中留別仍用陽字

朱明開祖餞弭棹憶青陽日月揔爲客江山堪斷腸  
蟬聲沸日晚樹影匝池涼知己蒼茫外相看淚幾行  
六月十五日海陵道中對月懷送行諸君





原件短缺

3~4頁



野寺江空晚扁舟暑未徂  
帆檣來燕雀簾幙近鷗鳧  
昨憶故人別今憐海月孤  
明知有聚散回首不能無  
走筆奉答司馬公見招之作

田家作苦甚新水破江臯  
不就尚書飲徒令使者勞  
濕憐初試履淺怪未容舸  
湖上酬明月何當問我曹  
再答再招之作

驅馳悲道路卧病愜林臯  
影息始知樂機忘信不勞  
青天違月榭綠樹引風舸  
煩爲江鷗語行將就汝曹  
次答李賓父蕭臯別業見懷之作

何處即蕭臯臨風首重搔  
江花低夜色山雨上秋袍  
豈是王珣輩來依支遁林  
汝能尋別境吾自戀同心  
水抱空城轉雲巢古殿深  
願于僧定後相對一鳴琴

送仲常姪如燕

又作帝京遊庭闈拜白頭  
鴈行天上接鄉淚客邊收  
路盡王孫草天長燕子樓  
經過滿眼恨慎莫滯孤舟  
送史稚彪秀才赴崇德

君作語溪行東風去路輕  
過江吳雨黑沽酒越花明  
天濶雄心起春長異夢生  
下帷園草綠莫媿古人名  
兩集司馬公新山

不厭相過數名園曲抱城  
空山春雨響新水夜地平



豐華村詩選 卷一  
怪石當樓控飛橋出樹橫主人情不極醉許濯吾纓  
宿汪二參軍仲安齋中

春游尋谷口託宿舊參軍繞屋皆流水浮階半白雲  
鳥聲高枕得山色捲簾分自後飛清夢相思多爲君

題大雷山中汪氏水閣

東溪雙水閣回首去應遲雲氣尋常滿泉聲十二時  
人將空裏住客竟雨中疑不是仙家有塵寰那復知

題汪氏鋤雲軒

宅畔開場圃幽軒十畝前土膏豐菜甲礎潤長苔錢  
抱甕羲皇世携鋤漢晉年漁樵時邂逅笑語白雲邊

仲安携試銅鐺出游葉公廟

行厨携翠釜着屐選青山礪底芹堪煮雲中樹可攀  
醉來眠野廟杖起過春灣似汝風流甚疑從貴竹間

鄞江上讀盧楠詩

枿也才何似憐君泣夜卽上書鄒嶽解枕劍父雙言亡  
霞氣流江綵淵珠出夜光讀詩風便起猶欲震齊堂  
聞九仲連過高霞館分心字

憐君投水寺路濕柳花陰白髮孤城兩青山一片心  
能于涉世淺勝是入雲深明日歸平楚持竿許再尋  
過李五齋中同用晴字



夕照在花明對之生遠情蕭疎蟻月雨淡蕩麥秋晴  
短徑青連幕長河綠漫城一罇歸去懶樹樹白雲平

送陳穎叔之揚州

平生餘感慨此別更何如樹樹揚州月聲聲水棹歌  
天青遊子去頭白故人多董相祠前路春深莫自過

閉關

閉關春已過爲客暫開扃綠蘚從留壁殘花任滿亭  
一罇供項稿雙眼眠天青不病何辭醉翻然笑獨醒  
過包九潮陽山房期張邵武不至

春風吹海樹細雨濕江門莫厭罷官早幸翁生事繁

一山青共對雙鬢綠難存何事張京兆蘭舟赴別罇

集周公瑕園館

高人栖隱地城郭似江村風細長楊館天青綠水園  
濯纓堪玩世晞髮竟忘言客至相容與春雲欲滿軒

戴仲德見過二首

竹徑無車馬喧傳客在門感時吾老輩授謁爾王孫  
有酒當深醉新詩可細論潮來休便廢兩氣滿江村

家故青驄馬君今汗血駒昔年多感慨一見且驩娛  
宅比揚雄宓庭從仲蔚蕪滿牀書可讀莫笑老迂夫

春霧山行



豐登村言選 卷十一  
七  
春氣曉模糊山川似有無行驚十里外突見一峯孤  
霧罷知停午林深覺易晡勞勞去來者誰不倦長途

夜宿鯉浦

蒼茫投遠渚風色報帆斜野渡秋喧櫓船燈夜起沙  
潮聲雜海樹客枕並江花怨別非關老貧人自戀家

出越州

東南於越好雲物媚山川每過山陰道長吟越女篇  
人家多傍水生計半資舩處處菱歌起秋風信可憐

山陰道上沽酒

沽酒出山陰長風披素襟白雲連海濶秋色向人深

江上鷗堪醉帆前詩一吟千巖萬壑處它日定相尋

過梅市

榆柳蕭疎市猶傳梅福名誰憐曲突計爾作抱關行  
秋葉柴門路春烟江水程偶于經過日一寄吊君情

催菊二首和施引之

東籬秋已盡青蕊細盈枝傲色將何以緘情欲待誰  
綠尊霜月悄皓首朔風欺羯鼓空催急花神汝不

豈是秋風怯司花故乃遲青天虛令節皂帽負多時  
野展儲詩料山厨贖酒資兩深三徑裏獨恨醉期無

贈謝道化



蕭然謝居士家在古益官一見江湖晚三年寤寐難  
江雲空自老海月向人團欲乞餐霞法青山敢自安  
書釋慧復初卷

已視身爲幻猶知天所親空山深獨淚淨土證前因  
野飯齋僧畢溪鐘送客頻我來參一乘因得細相詢  
與郭次父集姚大繼文太史宅分宵字

故人俱白首邂逅得清宵海鶴來空濶江鴻破寂寥  
碧山家學士明月殿丹霄無柰催人別寒江生暮潮  
宿朱涇尋故人不得

江水路漫漫風淒樹色殘空林片月白野戍一舟寒  
喪亂曾經此飄零不覺難自知今夜甚無處覓知惟  
拜雲間沈太僕公墓

城背一荒墳秋深木葉紛無言對峰渚不死是機雲  
土濕門人淚泉埋相國文漫漫白霧起烏泣去猶聞  
重過靜安寺

字落曾題壁僧無識面人同游生死隔一過一沾巾  
野日寒相假江雲煖自春空憐說法處猶剩草如茵  
送遠曲

妾淚自潛潛遠遊何日還青天開蜀道明月度蕭關  
楚雪春爲水吳雲暮似山送君彈寶瑟不敢倚朱顏



豐華詩選 卷之八 柳塘春水漫

天浮青岸迥波借綠烟平白鳥群窺漲黃鸝並坐晴  
影搖空拭鏡絮落未生萍最是漁郎得孤舟出樹橫

雲中辨江樹

數行雲裏直江上幾株斜水動渾無影烟開或有花  
低枝全隱月高處欲巢鴉路口黃茆接漁樵八九家

一樹

一樹野桃明春風點綴輕喧喧停驛騎脉脉送山程  
未易垂秋實空然眉落英白頭憐汝甚夜雨莫縱橫

集怡老園追感

秋色誰家好名園此日晴花猶看滿樹月欲到三更  
人寂千峯影天清萬木聲含悽獨不見坐擁一燈明

舊雨軒分韻得陽字

逢迎非谷口何地不山陽對酒不成醉無言黯自傷  
寒花青女降夜影白榆長客散空庭曙微鐘欲到牀

訪張夏父瑚

此道榛蕪甚茲行快我前入門憐舊識把臂憶當年  
秋寺披金粟晴原散木綿薜蘿君自掩知不廢高眠

題秦侍御玄覽樓

飛甍臨百雉玄覽極三吳春色粘天近秋雲遠樹扶



深江南去穩大海北來無長嘯誰同調乾坤莽自孤  
乞藥喬志一

酒人時病肺乞藥向山扃種樹知多橘篝燈定取苓  
夜窓回白首曉雨過滄溟肯授長桑訣吾今願獨醒

飲韓生所

慣着山公屐衝泥赴酒期城偏猶凍柳水涸半寒靡  
醉倚江天濶行嗔海月遲明燈欺白髮看影葛巾垂

長輿席上

斗酒過逢地雙鳧對掩扉寒花幽自發晴雨夜來飛  
雲薄星光漏更深鐘韻微韓娥春滿拍吾醉未言歸

乙亥四日與君房田叔箕仲集司馬園

湖上又逢春湖光醉向人風烟雖舊賞耳目宛然新  
客喜皆同調酒何妨數巡放言吾自得鷗鳥不曾嗔  
賦得臺城柳送周使君國雍

娟娟臺城柳春風幾度長暮沾梁兩綠朝拂楚雲黃  
陌上供離別宮中借舞妝送君騮馬去千里繫人腸  
答柴生仲初見訊

柴生新句好訊我老夫前門外雲空大湖南草自連  
方林歌綠樹藥枕對青天何代無枚叔看將七發傳  
答葉生鄭朗見訊



豐華詩選 卷之八  
高枕湖天濶鳧鷖日到門  
五禽空爾戲百藥待君論  
細雨孤青嶼涼風罷綠罇  
釣簾落日外目送過西村

坐對

坐對亦何事碧梧凡幾株  
踈踈江雨過白白海雲孤  
眼底皆空色間中半有無  
悟來成一咲病裡得潛夫

白髭

白髭羞寶鏡短髮耐黃冠  
無事百年過有誰三物完  
歲時雙醉眼天地一漁竿  
會問沉冥理言之揔自難

中秋日喜值故人

月正今宵滿人先候鴈歸  
惟情不可道相對且啣杯  
世事付流水浮雲生暮哀  
得因沉醉處恣意與徘徊  
十八夜

月閉層霄裡人間孤燭前  
高臺空末夜一榻靜流年  
自笑厨無酒因知病有緣  
誰家吹笛好嫋嫋待風傳  
秋日常樂寺漫作

古寺僧牢落秋蕪滿徑平  
都無四者相唯得一空名  
是劫沉鍾鼓何來起梵聲  
白雲千萬變不用問三生  
送箕仲之衢州

古路三衢外青山太末餘  
樵迷仙子質廟過偃王徐  
楚橘秋全熟吳楓江漸踈  
舊游題石處好爲一躊躇



送仲德還剡仍用徐字

月白江門大潮青浦口  
虛前山正云好去路莫言徐  
秋向扁舟滿人隨遠樹踈  
新詩倘相寄柿葉可供書  
橫塘夜汎兼送仲德得深字

夜汎引同心沙鷗不用尋  
月明疑似雪樹古即爲林  
秋色逢人老江湖送客深  
君仍戴安道聊作剡溪吟  
別來一首呈諸知己

別來多不可何處問同心  
懶出非關病高眠只自吟  
青山宜閣近黃葉向人深  
浮世終難校身唯許陸沉  
仲德過青棠館得間字

青棠何間寂白髮自高間  
愛汝能相過當罇且莫還  
晚春村葉盡寒日野雲斑  
道是稽生館何妨倒玉山  
答賓父江上見懷作

秋風誰晚渡爲我重相憐  
五里斜陽外扁舟一箇前  
蕭臯行欲半平楚望來全  
衣帶寒江水令人極惘然  
湖上

湖上宜高卧天寒日出遲  
墻餘霜白草門閉雪殘枝  
隣杵空中得漁歌枕上知  
夢魂清似水真許濯天池  
仲德雨過

剡樹接江隈扁舟載雨來  
海雲連禹穴山雪到天台



圃近多生菜厨貧少舊醅也須沾醉去莫信長年催

對雪三首寄君房

對雪偶無事看梅憶往年故人不在眼白髮自相鮮

衆壑沉寒日孤村注晚烟傍誰堪濁酒醉許昵江天

冬雪連年少今來正及時岸梅將盡細江柳弄絲遲

半月春應淺孤雲海不知田間欣共飽老淚得無垂

書樹群飛集寒蕪稚子携樓臺低晚照江海入春溪

冷並間閭色冰連水竹西側聞群盜日即署幾封題

後對雪三首同君房翠碣樓

十日復對雪高樓君與同暮來無暝色春至有衰翁

衆鳥深窺樹寒威太切空馮陵翠碣館黃竹賦難工

孤城連巨野大雪滿荒陂坐閣惜已晚渡江來者誰

夜光殊不定春色且何之沉醉吾能事乾坤敢私自

昨夜凍不解今來雪更奇斜飄風態急密洒突烟欹

天地繽紛甚江河混一宜問君何所以吾自咲離支

病對玉蘭有作

楚花高白壁越俗重南金開落當春月蕭條對病人

香驚蘭圃近色傍藕池新有酒聞堪貴誰能就綠茵

劉明府應遷臨况賦謝

卧起草堂遲驚聞使節馳抵緣一顧重敢謂二天私



黃盡松花落青深桂影垂不嫌鷄犬鬧老稚滿牆窺  
張司馬招遊茂嶼以事不赴賦寄

青山吾自哂空負美人期松際月初出水邊遠照誰  
幽花落更緩微雨坐來遲遙憶高樓上雙臨白鷺池

司馬公湖堂陪孟孺酌

湖水綠可染湖天青不流掃花邀上客接席俯平洲  
坐起皆青嶂飛來半白鷗無人不願醉有轄不須投

雨赴蕭臯二首

欲近熟梅天陰晴雨雜然佳期何可後出郭每能先  
江樹縈村塢雲沙接海壖幽栖真可托去矣重留連

到來無不可歸去似無能水色吾袍共山霏客眼仍

田田涼雨沐樹樹濕雲蒸一宿空江夜高樓定幾層

張大明府携尊過陳將軍園中飲程孟孺文學

同包九主簿屠大比部李五山人君房箕仲

兩造士張六秀才

稍辭江上路又過竹西村喜坐將軍樹愁空陶令尊  
池花蜂攘攘樓雨燕温温把袖真堪唳西堂燭未昏

葉鄭朗携罇過司馬湖堂酌孟孺兼餞余語溪

之行留別諸君得深字

把臂借空林踟躕且一吟潮浸江雨濶路入海天深



豐登樓詩選 卷十八  
片月懸鄉樹孤帆挂客心痛知今夜飲直醉過山陰  
崇德西郭草堂懷宋初陽客吳興

高館真寥廓故人何未還去來若水上早晚太湖山  
月出微鐘歇春深古寺閒此君爲客處悵望損吾顏  
五月十四日晚歸自語溪浮夢館對雨

古寺餘禪室蕭然似待吾佛前安寤寐眼底足江湖  
雨白空門盛天青大水都坐來真變幻兀兀此情孤  
聞孟孺移寓寶雲寺有作

寶地僧寥寂青山客夢長琴書生氣色風月似更張  
醉墨雲千樹逃禪雨一牀微鍾坐來歇不道是他鄉

挽程博士

憶昨客淮陰相依桂樹深別來空有夢訃到忽沾襟  
鴈宕悲官舍鵝湖怨舊林有兒能世業不負著書心  
留鄭朗子高宿青棠館

信宿吾何有蕭疎只舊林青棠涼影厚明月野池深  
薄酒淹長夜秋燈照素心不妨相過數卧聽雨沉沉  
訪施引之不值

本是故侯心何爲不可尋一花當座赤萬綠向人陰  
鳥語秋翻雜林霏午尚深縱橫書幾卷據榻且微吟  
思悅携樽分清字



故人楊伯子無限一罇情水落前洲出風疎遠樹清  
鷗隨天共渺雲與鴈俱平不醉那能去菱歌喚濯纓  
集吳門孫衛尉千父第分兵字

將軍傳甲第祭戟控吳城叢竹秋團色高雲晚送晴  
沈郎元善病孫子慣言兵今日惟罇酒憑誰一請纓  
冬晚登通州毘盧閣

偶上毘盧閣遙堪俯大瀛半城餘落照萬鳥劇新晴  
黃葉樓臺出清池鴈鷺平禪機渾解脫何處不浮生  
送初陽還廣陵

海上一逢君子名舊所聞却憐傾蓋處翻是久離群

鵲起林中月花生筆底雲如何又相別獨樹倚斜曛  
再送通侯入覲

作客寒江上天涯一送君淮霜侵海樹燕月染春雲  
使者星文動諸侯虎竹分青陽開左个定以璽書聞  
冬日與諸君郊行

仲冬風日美海色蕩春雲殘綠霜邊樹斜紅水上曛  
野梅窺眼細林草借衣芬即此堪歸詠何辭徑路紛  
夜宿盧子明山房

山館何寥廓相過不用招僧寮依樹立書幌帶江搖  
人語驚龍夢鐘聲答海潮故人雙健在千載是今宵



夜渡

夜渡憐三老揚帆口自謔霜華千里月風色五更潮  
枕上忘江濶燈前失路遙快哉無過此只恐誠心銷

遊廢園

平原一信步荒苑是誰家徑草猶全綠江梅也自花  
危橋臨岸陟亂竹入岡斜細討忘疲病因之對落霞  
顧益卿客吳興經時未返近聞有新安之遊懷

寄

楊花兼細雨向晚欲糝糝望遠勞雙眼經春祗一緘  
烏程無好酒黃白有高巖借問仙舟客何時挂北帆

春寒

春風過上巳花柳尚全緘客耳鶯聲澁鄉心燕語喃  
濕雲疑遠漲江雨倦孤帆憶昨深冬裏游蜂逐舞衫

出西口即事

蒼茫季冬月吳楚日紛紛牛負船行陸鳧團陣作雲  
孤山百里出四鼎半湖分不但客懷惡乾坤何所云  
送張克應之金陵兼柬秦淮諸趙

平生舊游處多半在長干今日故人去春江暮色殘  
潮青吳月上草綠楚帆寒理得相思夢因君寄所懽  
陳思靜作青陽館于天寧寺稍理花事乃以病



夜渡

夜渡憐三老揚帆口自謔霜華千里月風色五更潮  
枕上忘江濶燈前失路遙快哉無過此只恐誠心銷

遊廢園

平原一信步荒苑是誰家徑草猶全綠江梅也自花  
危橋臨岸陟亂竹入岡斜細討忘疲病因之對落霞  
顧益卿客吳興經時未返近聞有新安之遊懷

寄

揚花兼細雨向晚欲糝糝望遠勞雙眼經春祗一緘  
烏程無好酒黃白有高巖借問仙舟客何時挂北帆

春寒

春風過上巳花柳尚全緘客耳鶯聲澁鄉心燕語喃  
濕雲疑遠漲江雨倦孤帆憶昨深冬裏游蜂逐舞衫  
出西口即事

蒼茫季冬月吳楚日紛紛牛負船行陸鳧團陣作雲  
孤山百里出四鼎半湖分不但客懷惡乾坤何所云  
送張克應之金陵兼柬秦淮諸趙

平生舊游處多半在長干今日故人去春江暮色殘  
潮青吳月上草綠楚帆寒理得相思夢因君寄所懽  
陳思靜作青陽館于天寧寺稍理花事乃以病



目家居有年所矣禪寂道養諸種種多効茲  
命吾侶作者花會因賦此詩時丁丑浴佛前

一日

春風能命酒落日尚登臺精舍閒僧乞名花淨土開  
安禪多病後出世達生來自哂迷途者空令白髮催

王園汎舟

江園宜屢去復作汎舟行橋迥清陰合溪深綠照明  
燕馴如解舞鷗慣不知驚從此青鞋便無勞說姓名

王園贈張叔理時叔理寓園中

烏問張公子如何更卜居江山殊自有歲月不應虛

喬木千童夏涼雲萬頃初倘從晞髮暇報我數行書

病目

病目因無事高齋聽雨眠偶然思習靜妙悟得通禪  
蟻聞聞林下鷄鳴失枕前睡酣無夢處翻覺是惺然

秋日過江園三首

出郭不二里遲來空一年茆齋宜晝雨江圃快秋天  
病眼須蕭瑟壯心翻寂然同遊二三子重訂菊花前

高枕夕陽前秋園自可憐青山餘酒氣綠樹起茶烟

墮葉黃應半香萸紫未全醉懷何所托隨意竹根眠

幽意頗難便相過水竹偏題詩向黃葉坐石俯青天



豐華詩選 卷一  
樹裏茅亭小花間木榻懸計時秋閨後明月兩圓

冬日過西寺齋惠公房得春字

野寺隔城闌相過若比隣厨烟香積煖僧臘古梅春  
白水高雲片青天控海垠懸知後來者誰識種松人

和孔昭城字

歲月客心驚西遊結隱盟尋僧聊一飯遇石豈三生  
雲識山中寺鴉歸水上城百年還鼎鼎此日笑浮生  
從吳門還海陵同孔昭潛孺有孚夜過慈明得

寒字

海氣春將合江梅夜不寒吳風吹皂帽楚雪謝青氈

過與故人飲因成逆旅懽即非稽阮輩當世倘相寬

萼綠館爲顧明卿賦

何似仙人館分明萼綠家珮環風細細鸞馭月斜斜  
上客來王母元君降碧霞羅浮空有夢莫道武陵花  
喜吳少君見過

昨日故人過柴門江雨乾青山堪與語白日好加餐  
辛苦雙芒屨蒼茫一鵝冠天台知不遠欲去且盤桓

方國華見訪用韻

獨坐海雲深無由豁素襟故人相過處綠樹正陰森  
白髮倉皇見新詩涕淚吟願君還信宿把臂入長林



豐登詩選 卷十八  
初還林中承范司馬見過頃即別去病間賦此  
懷之

孤村歸亦晚水上足菲堂報客來朱紱呼兒掃竹牀  
空江雲泠泠高榭月蒼蒼甫也吾能學登臨憶侍郎  
聞吳少君移寓寶雲寺寄之

野寺城南近琴書幾日携松杉風壑裡臺殿月輪西  
午供分僧飯朝眠借竹溪新詩須早寄蕪索舊時題  
楊伯翼見過即別去

別緒太蒼茫相逢各慨慷三年人事改一語道心長  
江共秋雲白山將晚翠涼欲開高閣坐天末盡斜陽

霖雨寄懷少君

十日空門雨誰爲裹飯人寸心徒只尺四海愧比隣  
江濕秋雲重林浮野漲新知君多道氣肯厭旅中貧  
簡謝張孺穀兄弟見訊

病裡來芳訊仙厨損饌珍赫蹏無幾字丹烟爲重陳  
雲白依秋水山青見故人題詩今報汝階下紫芝新



豐登堂詩選

卷一

三

圖



德